

自在村人藏

攸縣志  
六

攸縣志卷四十

知縣事 建水趙勤纂修  
仁和萬在衡

列女

天地剛毅之氣鍾於男子為忠義鍾於女子為節烈  
彼其百折不回一往不顧無二致也將昭茲彤管則  
端操有蹤范史已特著之矣旌日行義繪日禮宗字  
未成而粉書猶新盜欲犯而利刃已斷節烈之概詎  
弗曠世相感乎至若守貞不字字則不貳明儒歸震  
川謂未嫁為夫死非禮舒氏辨之曰內則疏女子許  
嫁而笄明已有夫也字而貞為合禮爰輯已錄未錄

者並著於篇俾覽者得以省焉志列女

明

張氏譚時中妻年二十五夫故守節終老無玷永樂  
己酉詔旌其門

張氏顏時周妻年二十八夫死于霖方八月張撫而  
教之舉永樂癸卯鄉試寡居四十年如一日年六  
十八卒

王氏陳廷璋妻璋自京回卒於途王悲號幾絕水漿  
不入口者七日予論在襁褓王撫教之克盡義方  
正德九年旌其門

洪氏諸生龍天衢妻年十七歸龍甫期年天衢卒無  
子夫葬之日卽築墳夫側以死自誓隆慶間有司  
奏聞旌表邑紳江應昂爲立傳

洪氏廩生陳璞妻年二十一夫亡無子孀居七十年  
推官郝美以相舟之詩分巡吉以貞節獎之

蕭氏劉欽道妻馬氏其妾也蕭年二十九馬年十九  
道亡同矢守節督學劉起宗大書節義範俗褒之  
狀元羅洪先贈詩有人間鐵石爲心膽天上銀河  
洗肺肝之句萬歷十年按察郭思極具題建坊曰  
雙節之門欽道爲吮母癰而卒子陽生亦善事兩

母曾探花朝節贈詩曰共姜雙並美徐績獨承芳  
羅氏蔡國佞妻自幼端莊十七于歸二十三歲夫故  
氏矢死守撫遺腹子樑成立苦節六十五年人無

閒言

楊氏廩生陳詢妻二十八夫喪子他甫一歲衆咸危  
之氏以死誓奉姑甚謹始終一節他能亢宗子孫  
繩繩氏之力也

譚氏陳伴妻年二十五夫歿于惟萃方四歲家業中  
替時有殍其改醮者氏剪髮以誓

余氏廩生陳惟寰妻夫死撫二孤四十年無二志

洪氏進士洪性孫女庠生王廷尹妻年二十三歲守  
節撫孤璟臣入泮督學堵因請旌褒以雙節無瑕  
龍氏陳俊可妻俊讀書未售早逝三十餘年米糲自  
矢課孤六藝範六順力學藝範均遊庠

劉氏鴻臚寺陳惟見妻年二十七夫死巾櫛不施守  
節五十年如一日撫孤成名崇正間邑令獎以節  
矢相舟之額

陳氏洪俊臣妻自幼端莊二十三歲夫亾矢志相舟  
家貧以紡績奉姑撫二孤成立年七十二歲卒

陳氏江都縣丞劉仲昭妻工部織染局大使陳惟甲



女知書識大義年二十五夫亡撫孤提甫五齡三  
鴻甫二齡脩極劬勞茹荼截髮敦請名師嚴立課  
程節而能賢有陶孟遺風後提爲名儒三鴻有聲  
黌序子孫掇科名膺恩選爲名諸生者二十餘人  
冰蘖六十餘年壽九十三湘潭孝廉王岱表其墓

皇清

廖氏鄧元稅妻年三十孀居苦節自勵課子永芳永  
善先後遊泮永芳酉戌聯捷任蒲城知縣氏年九  
十而卒

周氏廩生劉詢妻詢力學早逝時氏年二十七屏絕

鉛華哀痛不輟撫孤洪珠恃以兼怙旋值兵荒百  
苦流離卒以紡績興家凡酒漿脂簪無不曲體舅  
姑意內外子姓必關門以見庭戶肅然年七十五  
而卒雍正乙卯撫憲鍾題請表其閭崇祀節孝祠  
胡氏劉成邦妻年十八適劉事翁姑克謹廿八孀居  
家貧課子撫孤姪俱成名氏父仲垣無子亦養葬  
如子全操五十五年邑令詳請督院班題 旌

王氏儒士劉永禱妻年二十七喪夫家資蕭條紡績  
撫孤親見五代苦節貞操族黨咸推壽九十七卒

聶氏庠生洪案臣繼妻年二十三夫歿子際熙甫二

歲產被豪奪氏撫孤母家成立婚教置田守節四十五年而終

余氏庠生虞文愷妻廩生虞榮母甫三歲祖母病母反哺三年因名孝秀及事翁姑奉養盡志歿時春癯父骸死而復甦遺命覩窆悲慘而逝至塋有雲覆谷鳴之徵督學姚表其懿孝為立傳內閣廖誌其墓學博藍黃為之銘傳四方名流爭致歌輓李氏謝啟元妻年二十六夫故哀毀骨立矢志靡他撫遺腹子成立康熙五十五年題 旌建坊  
蔡氏劉鐸妻年二十四夫歿甘貧守節至老無瑕康

熙五十年題 旌建坊

謝氏廩生劉楚英妻事姑至孝年二十九夫亡遺兩孤四五齡孀居督課甲寅吳逆蹂躪氏避兵入山廬夫墓旁率僕婢耕織奉姑九旬而卒喪塋盡禮于士乾士達俱遊泮有聲督學岳贈以勁節可風之額雍正七年題 旌建坊見通志

譚氏羅蔚妻蔚好學清謹早卒遺孤國珠方就外傳氏日取夫志行訓督及成進士官四川迎至署戒之曰爾年少氣盛稍縱則一方塗炭矣三擢輒以清介聞氏之教也雍正四年題 旌

王氏夏啟孟妻先卒奉姑甘旨無缺年三十夫亡勉撫諸孤婚配成立夫姪與女暨胞弟有力難婚嫁者量力飲助橋路亦然年八十學博胡獎以飾壽雙輝之額

郭氏考授縣丞胡士詠繼妻湘潭庠生郭宣澤女夫歿容不出撫育子女婚配成名厭城而囂喧攜子紹年築室夫墓旁奉祀五十年邑令高贈以文學博徐爲立傳

賀氏廩生文鼎妻夫歿剪髮毀容之死靡他母憐其艱辛欲奪其志氏願以身殉水漿不入口者三日

母益嘉其烈事翁舉人應揚尤孝家貧典釵衣以供甘脆義方訓子後孫曾得登甲第雍正十三年中丞題 旌建坊年八十七卒

周氏譚光標妻年二十九孀居課孤勵志嘗曰無父兒當自立也至八十餘葦筐不憚子北發受知督學文譽藹然乾隆十年有司獎以額曰完節流芳並贈以遺竹未泯湘妃恨寒灰猶見荻書行之句賀氏吳允中妻年二十五而寡朝夕弗給姑老子在抱氏盡力機杼艱辛歷五十載聞者心惻

周氏蔡義文妻十八于歸二十四歲夫歿家窘借貸

以營殯塋長子三歲次未週父憐其年少勸改適  
 氏引刀割指以死自誓撫孤成立守節五十五年  
 譚氏庠生劉三烈妻夫亡撫孤誠誼篝燈課讀均遊  
 庠誠力學早逝媳胡守志撫孤亦如姑又值誤夫  
 婦俱亡撫姪掌珠及長遊庠姑媳兩寡熒熒相對  
 人無間言譚年七十六卒胡年七十三卒乾隆庚  
 申題 旌建坊崇祀節孝祠  
 褚氏褚喜楚室女夏茂秀妻年二十二夫故遺腹生  
 子斯盛先生一女適同邑進士羅國珠守節六十  
 五載清操炳著雍正九年題 旌坊建南田隴推

里今即名牌坊前崇祀節孝祠

尹氏蔡來朝妻茶陵庠生尹特之女年二十六喪夫  
 氏哭之慟翁姑止之乃強起撫孤上勲鞠育劬勞  
 以延一綫蔡氏咸稱有後茹荼飲藥苦節五十二  
 年七十九歲卒茶陵彭大司馬誌其墓

夏氏年十九適張應魁二十四夫歿剪髮自誓撫孤  
 成立好義樂施苦節四十六年

單氏蔡祖佺妻佺攻舉子業不事生產氏紡績課讀  
 年二十八夫亡有子來裕孤燈雪帷教以父書入  
 文庠事兩世翁姑曲盡孝敬苦節二十七載乾隆

壬戌撫憲許具題 旌其門崇祀節孝祠

易氏庠生周繼昌妻夫亡年二十九欲以身殉翁卜

又諭以撫孤事大氏泣從之撫二子脩嘗艱辛夫

弟庠生世昌卒無嗣所遺家產悉舉推叔茹荼自

苦年八十二邑令塗延年旌其門曰冰操玉映

譚氏蔡來秬妻持躬淑慎年二十五夫殞遂茹齋繡

佛終身不御綺縠奉姑所夕不離左右甘脆無缺

延師課兒時出夫所遺書勉以母替先業卒令子

孫成名茶苦五十三年如一日邑令陳溥爲作節

壽序邑令陳文言獎以聯額

文氏庠生劉樹表妻夫卒時年二十八悲號欲絕念

生子方在襁褓若從死藐孤誰屬乃相舟自矢教

督成名以母兼師守節四十五年壽七十三

董氏李廷珪妻二十九夫歿遺腹生子斯盛撫育成

立得入成均養翁姑經三喪婦道母道均可爲式

冰霜三十年粵西進士蘇其炤貽額曰敬姜懿範

譚氏衡山貢生譚瓊英女孝廉尙笏妹年十七適庠

生蔡上萃結褵三載夫逝無子時有欲奪其志者

氏私吞耳環銅錢以殉姑覺延醫診視得不死及

爲夫營葬自題其碑曰清茂才蔡上萃夫婦之墓



以明志苦節五十餘年

謝氏生員王士卓妻年二十九當夫易簀時氏顙天求代夫殞一慟幾絕翁君旨以撫孤勉之乃起霜帷雪案一燈課讀後承中承甲並列膠庠翁年八十氏孝養無怠守節三十一年巡道孫獎以額曰節茂松筠乾隆三年護撫張旌其門崇祀節孝祠王氏譚俊選妻夫初艱於嗣氏易釵服爲納妾鄆氏生男甫六歲夫亾時王年二十八鄆年二十五熒熒兩寡教育遺孤寒機相對壽俱八十邑令朱以雙貞堪嘉表其門子明裕庠生孫見龍監生

譚氏茶陵庠生譚世寅女年十三適蔡上壽夫卒氏年二十四遺孤規僅三齡矩甫一月母憐其少勸令改醮氏曰有良人之藐孤在忍棄此去乎遂散髮毀容苦節五十餘年

劉氏蔡上邇妻年十六于歸甫期夫卒氏悲不自勝越五日而婉生子仙泣叩夫靈曰妾不得從君地下必有以報君矣自是漆室深居貧常絕炊緝繡紉絮養姑哺兒備嘗艱辛守節七十六年九十二歲卒

徐氏廩生蔡觀瀾妻年二十三夫死遺孤來諮甫五

齡撫之成立娶媳陳氏未幾來諮繼亾遺孫上義  
在襁褓中時陳年二十七內無妯娌外無期功共  
保一綫以延宗祧姑媳同志勤紡績以供餽粥大  
中丞獎以兩世共操之額徐年七十有八守節五  
十四年陳以姑歿哀毀成疾年五十六卒守節二  
十九年

文氏進士文宜孫女方伯何楚英嫡孫何漢泰之妻  
年二十九痛夫早逝善事翁姑課二子成立壽七  
十餘孀居四十三年心同金石邑令以額表之曰  
節凜冰霜

賀氏文學譚其倫繼室年二十九夫赴北闕鄉試沒  
於洞庭氏封髮自矢勁節三十年如一日視夫前  
妻子起斌如己出教裔成名課子起蛟戊申入選  
貢未二十而卒媳劉氏亦青年守節課子有騏與  
姪有驥同入黌序克成姑志一門雙節待 旌

蔡氏生員賀士昇妻年二十二矢志柏舟遺孤國欽  
甫在抱撫裔成名色養舅姑以成夫志茹苦四十  
三年如一日題 旌坊建車塘

蔡氏劉光家妻年二十五喪夫守節四十二載脩嘗  
艱楚奉養繼姑姚氏紡績以供甘旨痛念未逮事

舅與生姑置田爲生辰祭貲治家嚴整課子應壽  
爲名儒孫樹英樹敏樹翰皆蜚聲黌序學博徐壽  
以文邑令陳誌其墓

向氏儒士向允銓女庠生劉一柱繼妻年二十六夫  
故遺髮妻幼子震遠視若己出督課入府庠復早  
逝撫孫祚蕃成立爲優貢生亦中殂遺曾孫穉幼  
鞠育有加撫三世藐孤苦節三十四載邑令戴彭  
均獎以聯額太史陳大受黃澍繪賦詩紀其實

譚氏監生陳如寶妻年二十五夫亡子世鈞甫二齡  
氏矢志相舟撫孤成立事繼姑曠色養備至夫弟  
有三俱幼倚之如母有以青年欲奪其志者剪髮  
誓死祖遺田廬並自創產業與夫弟均分乾隆辛  
酉題 旌崇祀節孝祠

劉氏幼適監生陳誌僅五載夫亡年甫十八無子女  
翁姑先逝父母欲令改適截髮自誓孤帷紡績以  
給衣食年逾七旬志堅節苦不減衛敬瑜妻之操  
洪氏劉世璜妻二十歲夫逝遺孤嬰幼釋父母欲奪  
其志斷指爲誓事舅姑孝課子入太學孀居數十  
年助婚喪周族黨人共賢之

陳氏皮獻易妻年二十八夫易簣時語以家貧改適



氏剪髮斷指誓曰餓死事小失節事大夫歿巾櫛  
不施典衣似以事翁姑撫二孤成立值夫忌日涕  
泣不已歷三十年勁節如初甲寅歲疫流行氏家  
獨無恙蓋正氣所感也乾隆甲戌題 旌建坊  
謝氏洪凌雲妻年二十六夫歿無子翁姑諭以改適  
氏曰婦人固無事二夫之理且媳去若二老何誓  
代夫以終養每於忌日抱夫木主哭泣盡哀翁姑  
凶喪葬如禮鄉人以爲女宗

劉氏謝諱允妻年二十五歸謝結褵半載夫卒遺腹  
生一子氏矢志存孤十指艱辛歷寒暑晝夜不輟  
歲時淚泫泫下竟喪明苦節四十餘年六十一卒  
徐氏蔡來標妻事夫歷十年無非無儀所天旣殞撫  
孤甫五歲備嘗艱苦清心勵節數十年且樂善好  
施閭里多有沐其惠者學博李宗德獎以節賢著  
範之額

董氏邑文學劉世瑗妻甫笄于歸克勤婦道青年夫  
凶矢志守節喪葬盡哀教子義方名成鄉校生平  
冰清玉潔力操無懈年八十有八神明不衰皓首  
完貞繞膝四代人以爲苦節之報

陳氏監生歐陽一純妻年二十六痛夫病故血淚交

流瀕死復甦孝養舅姑病則嘗藥訓子成名節儉  
興家每屆青黃不接給穀隣里克廣夫志堅貞之  
操垂老如初

龍氏朱世坤妻年二十三世坤病故遺子國材四歲  
氏朝夕扃戶飲泣携孤喪次寢苦枕塊及除服母  
族有以改醮勸之者氏誓死不悔孝養翁姑教子  
成名未踰五旬而歿

文氏王蒲穀妻穀病故遺二子家甚乏氏年甫二十  
二哀毀切骨幾靡有生既而謂其母曰雙白在堂  
兩雛在抱吾縱捐軀於王門何濟自是茹荼食蓼

孝敬翁姑婚教其子至於成立苦節六十年

陳氏洪如坦妻年二十七夫故遺子圖攀僅一歲夫  
服闋母族勸其改醮氏曰洪門三世單傳今姑老  
子弱拋棄誰依乃引刀割髮誓守不改奉姑垂邁  
課子成立以苦節終

文氏故儒賀世行之妻年二十五而夫亾剪髮自誓  
家極貧衣敝如簞惟勤紡績以易餐撫孤成立艱  
苦自甘雖三尺之僮不輕入其門守節三十二年  
人皆敬服

陳氏陳彤臣之女年二十七適宋世棟寒暑未兩易

而寡慈遺一孤少期功之親操機杼奉翁姑代終子職以綿一綫

劉氏劉簡臣之女年二十三適宋永撰未五載夫逝家計蕭索紡績以訓其子就傅歸復篝燈課讀故其子世德早列黌序

周氏周忠君之女年十八歸監生徐元五載夫故子殤依孀姑苦節自矢孤姪甫七齡所生相繼亡氏撫之成立卒能保徐宗祀

賀氏庠生賀國幹女陳繡章妻年二十七而寡飛蓬不櫛雖期功之親罕得見者奉翁姑無違禮孤姪

病疫人莫敢省視氏扶持得痊教督一如己出是以節而兼義者教遺孤一峯並以孝行題旌

龍氏龍楚勝之女董爾先妻年二十八而寡翁姑年老子幼家無擔石之儲氏危苦撐支使老有所終幼有所長董氏賴之

尹氏尹之淮女年十八歸劉世度越四年而寡母憐其少欲更字之弗能強勤紡績延師課孤奉姑曲謹人無間言

劉氏庠生易開虞妻年二十六夫卒子楸泰甫週鬻閔恩勤傳得成立孤姪九齡撫之如己出輟轉維

持保全遺產皆氏之力也

夏氏龍見藻妻年二十八夫卒族黨有晚其遺產欲逐而分之者氏抱藐孤誓以死守壽七十時例得請旌輒謝曰吾生平所爲亦常分耳敢倖名乎仲子鵠高卒媳劉氏亦矢志奉姑聞者莫不感歎羅氏年十六適劉漢紹五年夫亡夫世業梓翁姑旣悼其子又重念高堂雙白髮莫之佐養氏父母憐其少諭令改適氏給之曰祖父母天年終惟命是聽未幾祖父母卒殯塋皆獨支氏憔悴枯槁緝績以養舅姑夫母弟二長天季尙幼鬻育成立乾隆

戊午翁卒逾歲姑卒庚申氏亦旋逝數十年中心慘怛四體勞悴直堪憫焉

趙氏譚琢成妻庠生譚士發之母年二十六而寡紡績茹荼撫孤成立壽終花甲自矢志至蓋棺之日水操三十五載苦節無間

周氏庠生劉大德之母雍正間題旌建坊  
劉氏龍象雲妻

王氏余士昂妻年方二十六夫亡翁老子庭山幼親織紉以供菽水苦節五十載里無間言太史陶贈之以額

洪氏陳治衍妻年二十八夫卒夫兩兄皆先逝一門  
遺孤己子四齡熒熒孑立甞勉調護兩族少長欽  
肅有加媳劉不育為三置妾生子以延一綫初歲  
收粟不支半歲後稍裕皆氏勤苦所致

劉氏謝帝資妻年二十八夫喪家徒壁立躬紡績以  
撫孤有鄰嫗憐其清苦勸以他適氏剪髮泣誓曰  
婦人之義從一而終吾寧死不忍再醮矢志冰操  
壽六十而卒

譚氏劉士華妻青年守志家貧績麻擘縷奉養老姑  
得其歡心教育二子成立

譚氏及笄適彭克誠早逝遺氏青春赤貧白髮黃口  
仰事俯育有強委禽者氏觸樹誓不二鬢髻替女  
紅脩朝夕需戊寅冰變負姑走郊外趾血染塵賊  
不忍害歷艱辛五十七年年八十兩子克家謀備  
甘旨為壽氏泣曰爾輩記粗糲不足於口乎於悒  
屢日而卒其苦節烈事詳邑令戴國祥傳

李氏陳治堯妻二十四夫喪時翁姑垂白祖壽期頤  
膝下藐孤氏勤紡績以供甘旨訓子光選遊泮選  
年未四旬卒氏又訓迪諸孫列膠庠入成均者有  
五從姪熊早先怙恃撫育教督亦成名



王氏陳應鋒妻陳兆邁之母好合六載喪夫抱呱呱  
之孤饑寒堅忍雖父母嚴命難奪其志奉老姑竭  
子職猶復婚教零丁堂姪撫育孤苦房孫守節三  
十四載

尹氏李登魁妻年二十八夫亡遺孤八齡饑寒自堅  
惟日夕辟繡以養翁姑教子成家守節三十載子  
孫蜚聲贊序

羅氏幼適張朝瑛僅五稔夫病篤以家貧屬之改醮  
氏矢志不移紡績撫孤事翁姑勉力承歡甘旨不  
稍缺學博李贈以節孝性成之額

譚氏亞元張光甲妻甲早逝氏年二十七柏舟自矢  
孝養舅姑生歿悉盡其禮撫遺孤五齡操作歷久  
不憊

龍氏庠生劉愈熹妻未笄適劉年二十二夫故悲號  
欲絕復念生子甫三日且翁逝姑老夫弟年幼無  
依勤紡績撫孤成立守節三十七年五十九卒  
文氏易爲杜妻年二十四夫病易簣時以母老子幼  
爲屬氏誓不嫁日遂與孝事老姑撫孤增產  
苦節三十六年邑令蕭有詩褒之

劉氏國學生張朝宗妻夫早逝氏年二十八勵志自

守既除喪亦不爲容終身荆釵布裙遺孤秉謙年  
僅四齡撫教成名選入優貢

田氏劉有官妻性孝姑病泣禱於神獲痊事本生母  
蕭氏存問無間女代子職夫亾守義訓子成立有  
聲庠序

易氏張士翔妻夫亾遺一子未幾子亦亾偕媳譚氏  
共守孀閨教育諸孫成立濟困好施人頌其賢  
徐氏張懿伯妻國學生登朝登道之母年二十七稱  
未亾人勤紡績以養翁姑歿後喪葬盡禮卜居山  
麓延師課子列成均且焚券全枕遇貧乏者多爲

周邱里人頌之

涂氏年十六歸國學生陳廷儀夫亾誓死守志時姑  
老子幼氏事養之餘不廢義方俾先後成立且好  
義出天性如修譜建祠貸粟減租皆有烈丈夫風  
楊氏甫笄適陳建鎰逾一紀夫亾以身殉不得乃誓  
死保孤蓬頭垢面足不踰閭辛苦紡績訓子成立  
守節二十三年

周氏年十四適鄧士景兩四週失所天哀毀幾不欲  
生繼念親老子幼鑿戶操作上供菽水下資修脯  
卒能承先裕後云

劉氏陳爲國妻夫亾毀形矢志奉養翁姑晝夜紡維  
訓子成名年五十餘染疾兒媳以良劑進氏揮覆  
地曰完璞全辭久不欲視息人世矣遂逝

劉氏附監劉惟有女夏言盛妻年十九夫故遺腹生  
子維太守節五十餘年今其次曾孫之翰妻譚氏  
年二十七而寡矢志守節現歷十五載

陳氏處士王玠妻年二十一適玠八載夫故氏撫棺  
長號姑以大義曉之遂強起屏膏沐菽水奉養撫  
孤三世勵志成名冰皎霜嚴五十一年如一日乾  
隆三年題 旌祔王節孝祠建坊東城

董氏王木森妻年十七歸木森未十載夫死家徒壁  
立氏奉老姑課釋兒惟恃紡績經營朝夕卒致子  
孫成名

劉氏年二十三適邑庠生文承轅二十五夫喪遺腹  
生子繼天氏念姑老矢志相舟日夕勤績以供甘  
脆足不踰閨歷二十八年如一日年五十三歲卒

劉氏國學生劉來泰女二十四適邑庠生文德英次  
子承輻二十五夫亾遺腹生子世錢氏甘貧守節  
教子義方娶媳張氏未幾錢亾單傳孤孫張氏年  
甫廿八亦矢志靡他姑媳兩寡苦節並著



向氏向山秀女曹開玉之妻未三十夫卒逾紀猶哭  
哀感行路疾病奄奄不延醫治骨立強支翁海林  
壽八十餘氏承順無拂極饑寒歲以爲常晚年世  
業已索修建文明塔猶助金不吝

劉氏王崑發妻年二十五而寡每有戚容未嘗見齒  
子就傳少惰則陳夫所遺書而哭之哀年六十族  
人謀請旌 固辭不許鄉里益高之

周氏適譚光照年二十五夫卒緘所遺書孤稍長出  
之曰此汝父手澤毋墜先業文士過其家必清潔  
以奉令其子謹事之故諸孤親師取友力學有成

陳氏陳治鐸女年二十歸劉理越四載而寡課孤惟  
嚴威屬有夫服未闋而改適者飭侍婢毋通音問  
且戒二子終身勿過其家生平嚴毅率類此

陳氏洪如楫妻結褵十八月而夫死生一子珍如掌  
珠曰吾得此子吾夫不死矣越三月妾復舉一子  
視若己出人皆服其賢性好施見人饑寒必周給  
之年五十卒

謝氏洪東發妻夫死氏年二十七卽對棺封髮閉戶  
幽默遺二子亦相繼凶氏志終不渝尤明大義凡  
修祖墳葺祠宇悉慷慨捐金不吝曰此祖宗所遺

未亾人既無子又何私焉聞者避之

尹氏生員洪其茂妻年十六于歸言笑不苟年二十  
八夫死遺孤二家貧堅守延師課子修脯必豐子  
有過則撻之且泣曰汝父遺訓具在敢不遵乎子  
志善早歲補弟子員

陳氏生員洪如瓏妻年二十七夫死氏匿影蓬戶鄉  
鄰罕覩其面遺兩孤一課之讀一督之耕嘗曰汝  
輩各勤本業吾復何憾

洪氏張淑球妻年二十七夫死翁姑亦相繼亾遺叔  
季姑姊俱幼氏撐持門戶操凜冰霜延名師課叔  
季勤紡績倡姑姊及長悉爲婚嫁畢均分產業然  
內外無不嚴憚之羣奉爲母儀

王氏劉擎妻家貧性至孝歲饑偕其子食粥必以飯  
進姑寒則加衣母子單裯自甘夫病鬻田產以供  
參藥夫死塋祖山挈家築室墓傍朝夕痛哭人不  
忍聞終身不改年六十一卒苦節三十四年

譚氏劉士華妻青年守志赤貧如洗刺繡易米績麻  
易絮奉養老姑得其歡心教育二子苦節自甘  
侯氏故儒譚金相妻年二十五夫歿欲以身殉妯娒  
婉勸曰姑老子穉汝死將誰倚氏因誓守善事高

堂撫孤成名題 旌坊建北鄉大竹

李氏彭允聯妻年二十九夫故誓死無二思廬墓終身姑以遺孤甫育泣禁乃止每祭奠悲號欲絕姑悲益甚氏飲泣成疾遺孤就塾躬紡績以供脩脯子禧徽力學成名

陳氏庠生劉士謙妻年廿八守節長子早喪力課次子入泮茹荼飲水艱辛萬狀年八十五卒

湯氏劉士臨妻二十八歲夫亾子幼撫之成立孝事翁姑至老茹蘖乾隆二年題 旌建坊

歐陽氏彭念璋妻夫死甘貧堅志勤紡績養翁姑卒喪盡禮子二長祖謨次祖誥婚教有成年六十四卒守節三十七年

文氏陳之駮妻駮單傳力學未售抑鬱以死氏年甫廿一家計甚窘紡績以養翁姑訓迪遺孤孀居六十二年八十四歲卒

張氏陳夢拔妻年二十七夫卒氏矢志奉姑鞠子未幾夫弟三人相繼歿氏獨持家政撫孤姪如己出今子孫繁衍世紹書香氏之力也

夏氏生員彭宏憲妻年二十八夫歿守節三十三年 雍正癸丑題 旌建坊

陳氏賀宗榮妻年二十四夫凶冰霜厲節門內肅然  
里黨欽之

劉氏庠生陳上簡繼妻氏生時父士旦夢異人以佛  
柑見貽因名曰佛年二十二夫凶守節六十一年  
壽八十二前室子鴻賓鴻賓鴻寶先後列庠序遺  
腹子鴻賓爲名諸生孫曾輩登賢書膺拔萃科者  
後先相望人以爲母德所致乾隆丙辰題 旌入  
節孝祠

胡氏羅方桂之妻年二十六喪夫奉養八旬雙盲之  
姑撫育三歲待哺之孤苦節三十四年 旌入

譚氏生員陳學古妻譚弁之女二十八夫故守節二  
十五載恤貧捐租懿行堪紀乾隆甲子題 旌入  
節孝祠

譚氏舉人蔡儼妻衡山進士譚尙箴女年二十六夫  
歿矢志守節題 旌建坊蔡家塘弦北

洪氏劉餘力妻年二十八矢志守節夫兄弟皆析居  
獨奉老姑甘旨姑歿夫兄弟已先逝氏力爲營葬  
有慈烏集其墓人謂孝感乾隆甲戌題 旌

劉氏名桃蔡來南妻 蔡遠亭妻譚氏

周氏張子揚妻傳載藝文 譚文瀾妻譚氏

劉氏蔡上寬妻

裴氏蔡發甲副室

劉際亨妻周氏 入節 孝祠

劉楚翼妻皮氏 入節 孝祠

劉光詔妻賀氏 入節 孝祠

劉昭備妻歐氏 入節 孝祠

劉誠妻胡氏

費燕克妻徐氏 入節 孝祠

歐陽永景妻夏氏 入節 孝祠

劉章燦妻單氏 入節 孝祠

陳夢任妻賀氏 入節 孝祠

張月桂妻唐氏 入節 孝祠

蔡涓濱妻費氏 入節 孝祠

蕭文彬妻朱氏 入節 孝祠

劉之棟妻陳氏

易爲芬妻蔡氏

張錫藩妻李氏

羅先掄妻易氏

賀氏尹咸寧妻夫病典衣調治及歿哀毀瀕死母媿諭之強起守節乾隆戊子旌

徐氏儒士洪臧書妻年十八孀居無子痛欲身殉翁姑諭止之撫姪開濼成立苦節三十五年卒乾隆庚寅學師冉詳報在案

董氏王命錫妻年二十八夫歿氏欲捐生以殉絕粒者數日族尊諭以死易撫孤難之語乃強起育四齡孤承紹成立守節六十年卒孫曾列膠庠者甚衆

張氏故儒譚世祿妻年二十四夫故矢志守節孝事

翁姑撫孤竒燦成立名隸銓曹勤紡績建修硃砂  
橋邑令莊贈以金石完節學師冉贈以節採柏舟  
之額

劉氏劉廷蘭妻十五于歸十八夫故撫姪承祧守節  
六十九年

蔡來澍妻徐氏守節六十一年

侯祖繩妻徐氏守節二十六年

蔡文釗妻張氏守節四十九年

侯忠敬妻劉氏守節五十三年

孝子邑文學  
侯續熙之母

附入

謝氏郭志定妻夫亡家計甚艱力紡緝增置產業夫  
姪孫佛齡少孤貧代爲撫育成立族有出嗣他姓  
者憐其無後捐貲贖歸乾隆癸未題旌

劉氏周德璋妻年二十八夫死三日舉一子矢節撫

孤奉二親克盡孝道紡績勤苦以訓其子

此係明  
代人舊

志未載今從  
府志錄於後

黃氏楊正潮妻年十七夫歿遺孤昇明甫三月矢志

栢舟艱辛萬狀白首完貞邑令紐贈以古栢蒼松  
之額孫曾均登仕籍至今書香不替

明代人附錄  
於後

周氏易起莘繼妻年二十九夫歿矢志栢舟守節二



十六年督課二子長宗義入監

新增節孝

賀氏儒士尹克諭妻賀克長女年二十三夫歿矢志  
守節遺孤二長芹甫四歲次芳甫二歲撫教成立  
俱入成均增置田產周恤捐助皆不吝費年四十  
五而卒邑令田贈額並詩乾隆三十三年題 旌  
坊建鸞山入節孝祠芹芳兄弟敦孝友舉生不析  
產芹妻唐事姑孝謹邑孝廉洪吉爲立傳芳妻鄧  
性婉順早卒孤學嘉學庶東郊均文庠學藉舉人  
東都學程國學生曾孫圭聯非角補弟子員人以  
爲節孝之報

洪氏易宗茂妻洪希兆女夫亾矢志守節二十餘年  
希兆病篤氏歸省水漲橋折促與夫渡江遂溺死  
乾隆三十三年題 旌建坊

劉氏皮啟沂妻年二十七夫故守節撫孤儀耀文耀  
俱國學生乾隆乙未題 旌建坊

胡氏譚有禮妻年二十八夫歿封髮自矢守節四十  
六年祖姑與姑一門雙節乾隆丙申題 旌建坊  
氏遵夫志捐置祭租于慶孫馨克紹書香

劉氏貢生譚際舉妻生員劉振藻室女甫五歲父卽  
授以孝經內則列女傳諸書年二十三適譚二十

七而寡鬢髮寢苦泣血三年乾隆丁丑五月五日  
有孤燕投白玉簪長三寸許墮於庭中家人怪以  
語氏氏曰此物之所以喻我也夫艱於嗣翁職員  
譚遵世先逝姑湯氏孀居因念夫爲譚氏數傳宗  
子夫死譚氏之血食絕續在媳與姑兩未亾人非  
綿宗祧何以瞑目地下擇堂姪永祚承祧不就外  
傳自爲謀讀氏麤衣蔬食日夜紡績永祚援例捐  
職氏撫永祚曰今捐汝職原爲祖宗門戶而設非  
爲汝廢學之故姑病湯藥親自檢視衣不解帶水  
漿不入口及卒率永祚執喪葬禮雖士君子無以



加焉給夫堂弟田租族祠舊有義學氏置創譚家  
村田租百楨石爲族貧士肄業膏火 文廟各祠  
宇氏捐自創新市田租四十石兩角爲長明油燈  
之費本邑黃甲書院氏捐自創苦竹坑彌勒寺二  
處田租一百石爲生童每歲肄業膏火本邑考棚  
向來自備棹橈難免搬運之苦氏捐錢八十千文  
倡修均通詳在案又捐審前皂角樹下二處渡船  
田租二十石給渡子工食獻都彭江橋捐修石橋  
費一百千文倡修高橋捐錢六十千文造亭施茶  
以解渴煩老弱廢疾男婦歲給綿衣減貧佃租有

鬻妻者捐金全之歲歉以餘粟濟人有疾病死亡  
無措者施藥給棺助錢殯殮邑令張獎以有光肅  
裡名閩女士之額撫憲顏表其閭曰淑範培材乾  
隆庚寅子永祚遵例急公 貽贈安人辛丑題請  
旌表建坊給銀三十兩乾隆乙卯年六十有八卒守節四  
十一年嘉慶二年崇祀節孝祠

陳氏鄧朝倬妻年二十九夫故守節四十五年乾隆  
丙午題 旌建坊戊申崇祀節孝祠  
劉氏皮敬鳳妻年二十五夫亡撫孤守節六十一年  
乾隆乙卯題 旌建坊

尹氏按察洪雲蒸之孫貢生承烈妻年二十八夫故  
矢志相舟白首完節子四燧燭燿俱成名嘉慶  
二年題 旌建坊崇祀節孝祠

胡氏監生陳性寬妻年二十七夫歿守節孝事舅姑  
姑病氏典釵珥以供藥餌遺孤四齡督課成名贖  
祭田以奉先祀乾隆壬申水災有萍邑黃姓女墮  
水中氏命舟人拯之代爲擇配恩養如己出嘉慶  
五年題 旌建坊

張氏陳登元妻年二十九夫故事姑孝撫孤二長朝  
榜職員嘉慶五年題 旌

易氏朱榮選妻二十九夫故撫孤守節三十餘年嘉  
慶五年題 旌建坊

賀氏儒士劉起枝妻處士賀昇平女明經劉林青家  
孫婦未嫁夫病嫁後五十日夫卒哀毀孝養祖父  
母立姪茂松承祧十九歲守節四十歲卒嘉慶六  
年題 旌建坊崇祀節孝祠

尹氏府庠生皮啟轍妻年二十七夫以闈薦未售抱  
疾而歿氏教子成名歷數十年如一日嘉慶甲子  
題 旌建坊

謝氏國學生劉芳妻年二十八夫故欲以身殉姑哭

止之氏撫孤傳璋成立列上舍孫萬光等均讀書  
能文守節三十七年嘉慶丙寅題 旌建坊在長  
山舖

劉氏王廷佩妻二十六歲夫歿矢志柏舟事姑孝撫  
孤之宮名列成均嘉慶丙寅題 旌建坊守節四  
十三年年六十九卒

顏氏蔡受第妻二十四歲夫歿遺一子亦逝事翁姑  
孝撫姪允銑列成均出貲修赭江橋塘灣路嘉慶  
十四年題 旌建坊

譚氏儒士洪開俊妻年二十五夫故遺孤甫週辛勤  
教養奉事祖母與翁姑二十年如一日守節五十  
年現年七十五歲子文耀孫運昌均成名嘉慶壬  
申題 旌建坊

歐陽氏陳自明妻年二十五歲夫歿矢志守節翁姑  
棄世喪葬盡禮撫孤星熹成名膺 封典孀居二  
十五年嘉慶二十一年請 旌

謝氏儒士洪開鍵妻年二十四夫故撫孤二文淇文  
涉淇早歲成名氏年已六十有一守節三十八年  
現在舉報請 旌

譚氏劉景年妻年二十三夫歿敬事翁姑撫遺孤三

歲守節二十一年卒嘉慶壬申紳士洪吉等公舉  
節孝有案邑令蔣贈以矢志靡他學博申贈以同  
穴盟心之額

劉氏劉茲持妻十五結褵十八夫歿無子夫祖憐其  
少寡無應繼之人欲令改適氏誓不再醮孀居三  
載胞姪來萱始生立爲夫後撫育辛勤八十五歲  
卒親見孫曾苦節六十七年

蕭氏職員陳爲鴻妻相夫兩載生子一齡年二十一  
夫歿柏舟自矢孝事翁姑喪葬盡禮延師訓孤列  
成均孫曾繞膝列庠序者衆八十一卒

劉氏王祖溱妻年二十六夫歿泣以身殉念翁姑俱  
老強起守節撫四月遺孤備嘗艱苦擇師訓課不  
少姑息五世同堂年九十一卒

吳氏蔡廉妻年二十四夫歿遺孤二撫育婚配次子  
貽訓復早逝亦遺孤二媳陳氏飛蓬不櫛衣敝如  
簞惟恃女紅易食奉姑重幃孀居共勵冰操歲時  
淚泫泫下姪媳侯氏同室常紡績相飲吳年八十  
五卒陳年六十有三

艾氏王繩祚妻及笄而嫁事孀姑孝二十夫故遺孤  
開第四齡撫育成立名列賢庠孫曾繞膝守節六

十二年卒孫學鵬庠生

譚氏陳雲際妻年二十四夫卽世矢志不渝孝翁姑撫遺孤苦節六十一年

劉氏彭世湛妻二十二歲夫故勵志撫孤守節後二子與媳相繼逝復撫諸孫成立苦節五十八年

鮑氏貢生羅世璋妻年十八歸羅二十九夫歿散髮毀容事翁姑甘旨必備姑壽百齡五世一堂撫孤文雅列明經文光隸庠序守節五十四年卒

王氏劉甸侯妻二十九歲夫歿翁姑繼逝祖姑年邁抱痺疾數年侍湯藥不懈遺孤文法名隸銓曹孫

亦有聲庠序守節五十六年

周氏監生陳其彥妻二十三歲夫歿延師課子長宏昶入邑庠次宏昂妻羅氏進士羅國珠女二十五歲夫故與姑共誓柏舟人號一門雙節周卒年八十有三羅年六十有九卒

邱氏庠生譚際選妻選有文名學憲習贈以一經衍緒之額年三十而卒氏年二十九遺孤三撫育督課成立俱列國學孫曾繞膝五世同堂年八十七歲卒

吳氏黃文洙妻夫歿氏年二十有五孝養翁姑撫教

遺孤南善繼善成立孫常臨監生氏八十二歲卒  
主氏歐陽世笏妻年二十九夫故撫教三子先後成  
一名姑年老奉養無違邑令張獎以霜節晚榮之額  
年八十三卒題 旌建坊

吳氏監生張善基妻年二十九夫故矢志柏舟訓二  
孤夢徵夢莖成名孫家駿弱冠采芹年六十學博  
楊贈以柏節松筠之額七十時孫壻孝廉洪吉徵  
節壽詩刊行之年八十三卒

洪氏張達妻二十九夫故矢志撫孤紡績自給家稍  
裕卽以所餘周恤族黨守節五十三載年八十二  
卒子光煌孫善培俱入太學

胡氏劉昌澈妻二十二歲將嫁夫病劇翁姑欲改期  
父許之氏泣曰兒已爲劉家婦願往視疾結襦七  
月夫亾歿後閉戶潛緝家人驚救獲甦強起撫姪  
承祧年七十五卒

周氏黃樹德妻年二十七夫歿孝事翁姑撫孤入成  
均親見孫曾四代守節五十六年

王氏儒士陳昌志妻年二十六守節勤儉持家事舅  
姑生備甘旨歿隆喪葬督課二孤長芳次芬入成  
均孫世焜有聲黌序曾元繞膝五世同堂族黨謀



請旌氏固辭年七十八卒

劉氏吳宏松妻年二十七孀居躬奉高堂甘旨舅歿  
姑老朝夕不離左右遺孤先誠甫週訓以義方長  
孫修禮庠生諸孫皆克自樹立氏年八十七卒守  
節六十一年

李氏陳開陪妻夫歿時年二十三撫孤世樛成立年  
踰五旬世樛與媳劉氏俱逝復撫孫之輝之耀教  
督成名氏年七十九卒守節五十六年

劉氏陳治禕妻年二十八夫逝子兆伸甫五齡延師  
督課遊泮氏年八十時劉書田別駕壽以文學師  
李獎以額守節五十二年

譚氏劉其嘉妻年二十五夫故遺二子俱幼孝養老  
姑矢志守節五十一年卒次孫光國名列成均  
李氏譚宏烈妻年二十七夫故長孤五齡次一齡督  
課成名奉孀姑孝謹喪葬盡禮積穀置祭田獨修  
石橋五渡施粥施茶守節五十三年卒

歐陽氏陳光霖妻年二十五夫逝孝養翁姑撫孤成  
立親見四代守節五十三年

譚氏邱大裁妻二十二歲夫故事姑孝長男二齡次  
遺腹生矢志守節六十年孫體仁庠生

王氏王述謨妻年二十四夫故矢志靡他遺孤半歲  
訓誨成立勤紡績家漸裕守節五十年卒孫支繁  
衍人謂苦節之報

楊氏夏智盛妻二十一歲夫歿矢志守節六十一年  
子誦入泮後病卒媳譚氏年二十六守節三十年  
劉氏胡家柄妻二十八歲夫逝守節四十八年子樹  
業入邑庠

王氏劉樹梓妻年二十于歸生子大煊甫數月夫旋  
往蜀越九年卒於旅次氏聞耗幾不欲生子稍長  
命扶柩歸葬氏孝養翁姑延師課子大煊與孫遵  
之俱入邑庠氏守節四十九年卒

夏氏歐陽榮妻年二十八夫歿柏舟自矢遺孤光第  
甫六齡延師督課成立長入國學守節四十八年  
年七十六卒

袁氏劉萬組妻事繼姑孝年二十六夫歿家無儲粟  
紡績自給子僅三齡撫育婚教卒致孫曾繁衍年  
七十三卒

文氏儒士李恢士妻二十七歲夫歿守節事翁姑孝  
謹遺孤百垂齡半婚教成立子逝復撫兩孫長世  
泮援例授職氏守節四十七年卒



何氏儒士張善會妻幼習女史稍長嫻吟咏夫歿課  
子嚴明俾克成立守節四十五年卒

張氏王道頌妻年二十六夫歿翁姑年邁生事死葬  
無違禮撫孤世典名列成均孫哲亦遊泮氏守節  
四十五年卒

劉氏尹克論妻夫歿氏年二十八遺孤三齡前妻子  
九齡撫之如己出姑年邁敬奉甘旨十餘年不懈  
白首完貞四十年

蔡氏艾章獻妻年二十九夫故遺孤芳華甫週矢志  
守節奉翁姑甘旨必備喪葬盡禮夫存日將祠租  
出貸及歿後逋欠甚多氏罄家產以償惟勤紡績  
延師課子成立氏年七十一卒

王氏文自發妻二十六歲夫歿孝事翁姑撫孤舒聲  
舒陽成立守節四十四年

毛氏劉玉見妻二十九歲夫歿遺孤三俱早逝與次  
媳謝氏共守孀幃撫育孤孫越二年謝亦歿毛紡  
績自給艱楚萬狀苦節四十一年卒

譚氏丁文巖妻巖力學致疾自知不起泣謂氏曰貧  
病交迫子女俱幼萬一不諱將如之何氏凄然曰  
從一而終義也吾忍失節哉年二十九夫歿撫三

子成立年七十一卒

單氏生員蔡貽澤妻二十七歲而寡事翁姑孝課子策廷嚴並育諸孫俾克成立年六十六卒

陳氏庠生文自班妻年二十六夫病祈以身代及歿剪髮矢志姑老曲盡孝謹姑年九十扶持抑搔未嘗少懈子經入邑庠夫兄弟四人皆同居處妯娌以和御臧獲以慈守節垂四十年

劉氏陳上掌妻幼嫻女箴年二十三夫故柏舟自矢事姑存歿禮無闕遺延師課遺腹子必訪耆儒終身疏布周卹族黨守節三十八年卒

余氏陳先傳妻年二十四夫逝撫孤守節三十九年目擊四代年六十三卒

張氏廩生何家璋妻年二十九守節事翁姑孝謹繼姑年近九旬氏病草涕泣以未盡婦職爲恨夫歿時夫弟家瑄甫數齡命長子本洛與共學家瑄官江西卒於任氏撫其孤如己出本洛入邑庠次本瀾亦能讀父書氏年六十五卒守節三十六年

康氏劉光宇妻衡山舉人康祖斌之女年二十二歲夫歿孝事繼姑黃撫孤成立守節三十八年

吳氏劉聲淑妻二十九歲夫故撫孤正奎成立奎亦

故偕媳撫孫克焜成名守節三十六年卒

張氏職員陳人文妻年二十六夫故柏舟自矢家貧勤女緝以贍朝夕遺孤數齡辛勤撫育延師督課長列成均守節三十四年年六十卒

譚氏鄧德馨妻年二十九夫故欲以身殉姑諭止之撫孤發湯成立名隸銓曹守節三十三年

尹氏易世昂妻二十七歲夫逝奉養老姑撫孤永新成立守節二十四年卒

劉氏龍文紀妻文紀應試赴長沙溺死氏年二十六聞訃號泣欲絕忍死撫孤守節三十一年

劉氏庠生陳先捷妻二十九歲夫故矢志孀居訓子課孫守節三十九年卒

謝氏劉福履妻年二十九夫歿孝事翁姑撫孤枚吉成立守節三十三年卒

劉氏鄧祖兆妻年十九適鄧夫病姑亦病作氏延醫調治衣不解帶姑與夫同日歿氏哭不成聲喪葬如禮撫二孤成立苦節二十九年卒

劉氏監生鄧祖昭妻二十七歲夫故撫孤成立守節十七年夫所遺薄產命其子與姪均分族黨嘉之陳氏鄧鴻騰妻年二十六夫逝撫孤先標克紹書香

守節三十三年卒

蕭氏尹祖鐸妻二十五歲夫故撫孤伊源成立守節十六年卒

文氏庠生彭家昶妻年二十六夫歿止一女翁先卒姑繼逝家無儲粟鬻簪服以營喪葬歸依父母矢志柏舟年四十五卒

劉氏儒士龍綬妻廩貢劉林青女年二十八夫故冰霜自矢勤紡績養舅姑及歿喪葬無違禮撫遺孤玉森玉林督課成立苦節二十五年年五十三卒劉氏劉奎耀妻年三十夫故奉養翁姑孝謹及歿喪

葬盡禮遺孤世法五齡撫育督課成名守節二十七年卒

湯氏監生蔡鈞五妻年二十八而寡姑病侍湯藥十餘年不懈撫前妻子如己子持家有法同爨數十人雍陸無間守節二十六年卒

胡氏劉濬妻二十七而寡孝事翁姑遺孤二命就學外氏俱列成均守節三十三年

夏氏譚功泮妻二十七歲夫歿矢志柏舟遺孤元旭甫四齡撫育督課名列成均守節二十八年年五十五卒

甯氏焦鴻智妻二十五歲而寡遺孤一齡撫之成立  
孝事舅姑織紉以供菽水矢志全貞二十六年

李氏謝薦拔妻于歸八載夫歿攜孤居鄉督課成名  
守節二十三年進士王純鎰爲作傳

皮氏劉昌臬妻年十七結褵夫苦學死年方二十母  
勸其改適立誓不從撫兄子爲嗣勤紡績以奉高  
堂甘旨苦節全貞里黨欽之

陳氏丁作揆妻二十八歲而寡孝養翁姑有子三人  
教育成立守節二十五年年五十二卒

周氏胡家賓妻年二十九夫亡守節四十年

楊氏監生袁宏達妻二十二歲夫故守節三十三年  
黃氏劉浣妻年十七于歸三載夫故孝事舅姑撫孤  
成立守節十七年卒

胡氏賀錫章妻年二十七夫故矢志撫孤守節十六  
年卒子龍見幼穎慧苦學亦逝

陳氏胡祖式妻年二十五夫故無子生一女甫五月  
撫育辛勤及笄爲之擇婿適貢生陳源守節十六  
年卒

劉氏歐陽暎妻二十四歲夫故勤紡績以養舅姑撫  
孤芳輝督課成立芳輝亦逝與媳周氏共守孀幃

劉守節十八年卒

歐陽氏監生楊滄妻年二十六夫故事孀姑孝謹撫孤婚教成立守節十七年年四十三卒

朱氏年十六爲職員劉大韶側室事嫡無纖芥嫌二十五歲韶故遺腹生子杪高氏甘守自誓佐嫡室劉理家政無怠容劉歿嫡子之麟逝氏復佐冢婦撫遺孤己子枝高甫冠入成均亦逝媳胡氏繼兄子爲後與姑共守孀閨一門三節凜若冰霜朱守節三十三年卒

陳氏尹魯瞻妻年二十四夫故矢志撫孤孤又早逝復撫諸孫親見六代壽九十苦節六十四年

陳氏監生陳其興妻二十五歲夫歿冰霜自矢外人罕見其面處妯娌無詬誶聲年八十三尙健子宏統監生曾元繞膝五世同堂人以爲苦節之報

陳氏皮青操妻年二十夫歿家貧親老遺腹子一墜貞自矢奉翁姑孝喪葬盡禮子旋卒偕媳賀氏年二十二共勵孀幃凡葺祠修譜典質輸費目擊五代守節六十五年

謝氏皮周仁妻二十六歲夫歿遺孤二外氏欲奪其志氏刺左目自誓流血滿襟一目遂盲事八十餘



袁翁卒葬盡禮年七十邑令翟獎以柏操松齡之  
額八十時尹學典爲徵節壽詩長孫殿陞有文譽  
氏守節五十五年

劉氏周陽谷妻二十一歲夫故遺腹生子撫之成立  
孫曾繁衍五世同堂守節六十三年

余氏夏時盛妻年二十六夫逝守貞延師課子嚴慈  
兼濟長作霖次誦相繼入邑庠次維暄入成均苦  
節五十四年

劉氏譚國祿妻年二十四夫故矢志柏舟撫章辛兩  
姪爲嗣助夫孝事舅姑克膺封典教子訓孫嚴

慈並濟守節五十二年白首完貞里黨賢之章授  
州同職辛授從九職

張氏賀蕙芳妻年二十六夫故遺孤起源僅三齡矢  
志全貞孤繼逝撫兩孫成立守節五十六年

陳氏封職顏家謨妻年二十三夫卒矢志柏舟上事  
舅姑四十七年如一日課孤道典以同知候選守  
節五十一年題旌建坊

謝氏蔡元宰妻安仁舉人謝翔女年十九歸蔡二十  
一歲夫歿遺孤未週撫育婚配舅姑染沉疴侍湯  
藥數年如一日孤歿兩孫繼殞苦節自甘四十餘

年武岡州牧陳佐爲立傳載藝文

陳氏王綿發妻二十八歲夫卒家貧茹苦撫孤守節四十八年

彭氏鄧燮緒妻年二十八夫故矢志撫孤成立嘉慶丁巳邑令張獎以額云節孝可嘉聯云霜節冰心代終陔養蘭芬桂馥永裕孫謀守節五十二年

黃氏王化校妻二十八歲夫歿皓首完貞繞膝四代守節五十七年

譚氏易光宗妻二十八歲夫故孝養翁姑喪葬如禮長子世昂早逝次世灝教督成名守節四十八年彭氏王德馨妻年二十八夫歿剪髮矢志遺子四延師訓讀至於成立先後相繼逝次媳李氏四媳皮氏亦誓死從姑氏年七十七猶操家政督課孫曾不懈孫道旭道晷道旦旭監生

易氏余世樂妻年二十九夫故老姑尙存奉養孝謹課孤宗熊宗鰲克紹書香守節四十二年

譚氏文德星妻十六結褵十八而寡子甫週舅姑憐其少欲令改適氏之死靡他紡績以養高堂翁先逝姑八十一卒撫孤承基成立守節四十二年

陳氏劉大炘妻年二十二夫逝矢志全貞勤操作以

供堂上甘旨撫孤聚之成立日擊孫曾蕃衍守節  
四十一年

洪氏吳定邦妻年二十九夫病祝天願以身代及歿  
慟不欲生後恐傷舅姑心輒攜孤哭諸墓奉侍親  
幃備極孝謹子長遣就傳稍怠鞭撻隨之援例授  
職亦卒媳劉氏年未三十與姑撫二孫成立長國  
仁列成均次國秀業儒七十時學博申贈以貞門  
集慶之額

甯氏儒士易會院妻年二十七歲夫故矢志撫孤守  
節三十四年

侯氏周澤霖妻年十八歸周孝翁姑和妯娌二十六  
夫故矢志不貳撫孤慈嚴兼盡以克家稱守節三  
十八年

李氏丁昌瀚妻年二十七夫故矢志守節長子德瓊  
職員次德瑞監生孀居三十五年

顏氏劉文鍾妻二十四歲夫故翁姑年邁孝養無缺  
撫孤建侯遊泮守節三十七年

何氏余文才妻年二十五夫歿遺腹子廷煥撫育成  
立持家勤謹守節五十三年現在請旌建坊

劉氏艾章祈妻年二十九夫卒家貧勤紡績以事孀

姑及歿喪葬盡禮撫二子一女力營婚嫁苦節四十二年

夏氏彭德昭妻年二十四夫歿矢志撫孤延師督課俾克有成守節三十六年子典徽業儒鏡徽國學夏氏儒士劉元和妻年二十八夫故家計甚窘惟勤女紅以贍朝夕遺孤英發督課成立名列成均守節三十四年

吳氏庠生陳增觀妻年二十四夫歿柏舟自矢祖姑賀年踰八旬舅姑亦老氏孝養無缺撫孤二長自騰入郡庠次自銓入成均守節四十三年

羅氏文自臣妻年二十八姑病卒未數日夫亦逝氏哀毀欲絕冰霜自勵孝事老翁繼姑撫教二子舒衷入邑庠舒觀列成均守節三十九年七十時邑令趙獎以柏柯貫時之額

伍氏監生劉世彪妻年二十八夫故課孤德厚名列成均守節四十年

尹氏劉燠妻夫歿時年二十七一子尙幼辛勤鞠育嘗少分所餘以周困乏守節四十二年

曠氏周大猷妻二十八歲夫故族中有欲奪其志者氏鳴於官其謀遂寢夫兄弟三人相繼逝長季無

嗣惟仲一子乃撫嫡堂姪爲後子孫遂稱繁衍

陳氏監生董起鴈妻監生陳輝奎室女年十七于歸二十九夫故矢志撫孤子德錦職員孫宏澤宏霖俱監生守節三十七年

劉氏陳先錫妻二十四歲夫故遺孤升猷嘉猷甫數齡撫育督課名列成均積紡績所餘以供舅姑甘旨了夫積逋族黨稱之守節三十九年

彭氏詹嘉會妻年二十九夫喪家徒四壁撫孤逢盛成立苦節三十五年

譚氏庠生余世楊妻年二十八夫故事繼姑孝撫孤宗翰宗誠勤紡績以供膏火苦節三十三年

歐陽氏楊慶發妻年二十三夫歿遺孤永翰未滿三齒撫育成立苦節三十四年

吳氏陳宗榮妻年十八于歸甫一載稱未亾人孝事翁姑惟謹遺孤惇典甫三月撫教甚篤名列成均守節三十九年

劉氏劉文揚妻年二十七夫卒截髮矢志孝事舅姑典質衣釵以備甘旨本生父母年老無嗣生養死葬如禮苦節三十六年

譚氏蔡一梧妻夫卒時氏年二十八遺孤二次遺腹

生婚教成立翁姑年邁備供甘旨苦守孀幃三十  
二年

賀氏張文元妻年二十九夫歿矢志柏舟督課二子  
成立守節三十二年

陳氏周家麟妻年二十四夫故守節四十三年

劉氏焦鴻勳妻年二十七夫故翁姑繼逝家計甚窘  
氏攜孤歸母家撫育成立紡績以贍朝夕守節三  
十一年

李氏王性湛妻年三十夫歿守節自誓姑病劇親滌  
裙溷晝夜不懈子三紡績佐讀成立長次相繼逝  
媳亦卒復撫弱孫苦節三十年

皮氏王性潛妻年二十六夫病革問所自處氏曰死  
耳夫曰吾三兄俱逝且母老子幼爾可遽死耶氏  
哭不復言浩歿痛絕復甦曰夫有遺命我不忍違  
起就婦職奉姑孝謹撫孤道旭道畷成立旭入太  
學兒媳或以甘脆進氏卻之曰吾與祖母伯母茹  
荼久矣安用此爲守節二十九年

劉氏羅源本妻二十三歲夫歿孝養舅姑撫孤星燦  
成立守節二十九年

王氏儒士陳先探妻幼通書史明大義年二十七夫



歿矢志全貞紡績延師課子若孫守節三十五年  
朱氏胡自洛妻年二十七而寡孝事舅姑課子景明  
景昇均列成均守節三十一年

劉氏儒士陳世簡妻幼通書史二十八而寡手錄正  
氣歌於閨中朝夕佩前禮佛持齋長孤三歲次甫  
三月撫育成立擇師訓課束修悉紡績所出皆好  
學有文名守節二十七年

符氏歐陽振訓妻二十九歲夫歿孝事老姑督課遺  
孤理純弱冠補諸生苦節二十九年

歐陽氏儒士洪錦文妻二十二歲夫故守節二十九  
年孝事翁姑撫孤起蛟名列成均邑令張贈以柏  
節長青之額

陳氏陳捷華妻年二十七夫歿遺孤步元甫三齡孝  
養舅姑朝夕紡績增置產業子援例授衛千總守  
節三十三年

何氏譚奇錦妻二十三歲夫歿母家勸其改適割鼻  
以誓奉養祖翁舅姑孤興樹甫二齡撫育成立守  
節三十八年

譚氏劉世峻妻二十五歲夫逝截髮自誓事姑撫孤  
守節二十五年

劉氏儒士鄧隆塏妻二十二歲夫歿與姑共守孀幃  
勤紡績以供菽水遺孤甫二齡教督婚配苦節二  
十四年

歐陽氏黃盛裕妻二十七歲夫故撫孤承祧家徒壁  
立紡績白給守節三十年

陳氏黃常敏妻年二十夫歿矢志撫孤建城成立守  
節三十一年

余氏儒士陳先占妻余湛之室女年十五于歸翁已  
先逝夫單傳係庶出上有祖翁姑並孀姑氏與夫  
竭力奉事夫歿氏年二十四長子甫二歲次遺腹

生撫育成立苦節二十八年

陳氏易岐周妻二十七歲夫歿孝養翁姑矢志全貞  
撫孤瑞成立苦節三十四年

劉氏儒士譚祖華妻二十一歲夫故遺腹生子嗣陵  
家無斗筲辛勤撫育成立守節二十六年

譚氏庠生余之江妻王簿譚國鈞女年二十七夫故  
撫孤世松世倫世綬世戴成名世松早逝偕媳譚  
氏共守孀幃守節二十八年

袁氏廖文炳妻年二十于歸二十八夫故矢志柏舟  
侍養老姑繼姑孝謹孤翰祥方七齡翰光甫八月

撫育婚教成立守節二十一年

朱氏陳珍妻二十四歲夫歿養舅姑生歿盡禮撫孤錫善錫才名列成均守節二十五年

易氏率生陳先攀妻二十九歲夫逝父母欲令改適氏誓死無二孝事舅姑遺孤焯猷年踰弱冠亦逝偕媳李氏共守孀幃撫育孤孫苦節二十三年

劉氏譚昌任妻任英年嗜學屢列前茅賣志以歿氏年方二十有五無子矢志全貞孝養舅姑撫姪天寵承祧教習甚嚴守節二十一年

陳氏丁孟甲妻孟甲父卒哀毀成疾逾年逝氏年三十四一慟而絕家人勉以撫孤強起事祖姑譚孝謹姑陳卧病三年躬侍湯藥衣不解帶守節二十一年

劉氏陳先慎妻醴陵庠生劉大甲女二十二歲夫卒遺腹生一女矢志不二孝事祖姑並舅姑撫孤猷遠承祧婚教成立守節二十一年

蔡氏劉開書妻夫歿撫孤成立守節三十五年  
劉氏監生陳增曜妻監生劉一蛟女年二十四夫故擬相從地下姑劉泣諭強起封髮自矢嚴訓二子長自訓入邑庠次自詳入成均守節二十一年

洪氏生員劉壯之妻氏出名族幽閒貞靜壯之勵志  
名塲氏恪修婦職孝養翁姑年二十七夫故誓不  
欲生翁濤源諭以撫孤守節二十年足未嘗履外  
戶子茂桂英雋能文

胡氏職員劉增瑞妻年二十八夫故姑蔡年邁性嚴  
氏孝養無違撫姪宗蘭承祧督課成立守節十八  
年

劉氏貢生劉之麟妻少明慧入門事孀姑服勞奉養  
得其歡心姑歿哀毀逾常相夫經營殯葬無缺禮  
年二十七夫故氏痛裂幾殞以二孤在飲血撫育

延師課讀矩範森然守節十八年卒子茂衢成立  
能繼家聲

楊氏劉士咸妻結褵七載夫死或勸改適氏慟哭謝  
之以姑故忍死供養鞠孤子義方不少貸一僕服  
役數十年知爲良家並其子歸之不取值

劉氏邑文學蔡士鵬妻孝事翁姑年二十七夫故守  
節邑侯李贈以畫荻流芳匾額學使倪作詩獎之  
學使吳表以節孝流芳之額子四延師督課並遊  
庠序諸孫成名者二十餘人苦節四十六年卒

文氏劉竣功妻年二十六歲夫故遺孤五齡婚教成

立舉三孫孤與三孫相繼逝媳張氏與姑共守孀  
幃撫堂姪孫裕泰承祧現年六十二歲守節三十  
六年

易氏李崇高妻年二十一歲夫歿無嗣撫姪承祧侍  
奉翁姑克盡婦道守節三十三年卒

王氏監生唐宗魯妻二十四歲夫故矢志撫孤職員  
家元守節三十九年卒

廖氏監生唐宗煒妻二十六歲夫故遺孤家光甫數  
齡撫育成立守節四十三年現年六十九歲

李氏庠生唐文龍妻二十九歲夫歿撫孤家蹟名列  
成均守節二十四年卒

賀氏賀國榮室女劉光裕妻年十九歸劉二十夫故  
無子矢志不貳依母家長齋誦經自名妙慈冰霜  
之操人無間言

夏氏黃三儀妻年十七歸於黃而三月夫故距合卺  
十閱月生遺腹子盛世矢志育孤以報所天逮娶  
婦生孫而子又殞一髮之傳再世成立五十年清  
操勁節里黨欽之

袁氏譚茂昱妻二十五歲夫故守節五十五年卒

舊志賢媛

焦氏處士劉海珠妻性仁孝繼祖母陳常病日延醫弗愈氏朝夕舐其目復明姑蔡病篤氏日夜憂勞成疾猶一夜三起躬侍湯藥孿生二子傳敏庠生傳數舉人

劉氏州同蔡來松妻劉洪珠女年十七歸蔡善事高堂克相其夫未期年翁姑相繼卒遺叔來桐甫八歲來樞方在縑裹中氏相夫謹承遺命撫育教讀來樞三十無子爲置妾連舉三子氏且悲且喜卒之日猶命子上理上選善視諸弟以全其志



胡氏淑浦教諭劉慧珠妻庠生胡作傳女事翁姑孝翁歿奉繼姑蘓氏色養有加病侍寢藥不倦及卒哀慟盡禮夫素好施及遠宦氏節縮釵布踵行如初並置田租以祀胡氏祖先女一適國學陳兆星雖厚給租奩訓誡維嚴以成厥德

胡氏庠生劉一柳之妻國學劉授之母家饒樂施用惠里中歲出穀百餘石食貧窘力作者遇廩竭另易以應粹求歷五十餘年如初自甘糞糲澹如也譚氏文學孝子歐陽再思妻少嫻禮節于歸歐陽事姑維謹艱於嗣姑諭其夫立側室氏曲體姑志助

夫納媵姑尤懼失祧命撫同懷兄子定樞爲後氏鞠育如己出故定樞食餼舉優孫曾振振人以爲孝感所致乾隆三年題 旌建坊崇祀節孝祠

尹氏張可贊妻嫻內則執婦道維謹姑洪氏嶺南道洪雲蒸嫡裔家法嚴肅氏先意承順姑卒盡哀奉舅益謹胞弟尹時麟年四十無子爲之捐貲納妾生平持素守樸三子皆登科第

李氏恭順慈祥出乎天性笄年歸貢生劉其淑孝事舅姑內外皆稱賢婦平居好施樂善間有利濟之事輒傾困倒篋捐穀三百石貯新市社倉備荒乾

隆二年題 旌

陳氏廩生余家駒繼室秉性溫恭事翁姑至孝奉甘旨必躬必親夫髮妻劉氏子彭齡暨長孫泖爲姑單氏鍾愛氏先意承志視若己出姑病篤親侍湯藥歷久無倦容及歿哭之慟水漿不入口者五日遂哀毀成疾而卒

蔡氏歲貢余嶠齡妻柔順溫恪奉舅姑承歡無間痛念未逮事生姑陳氏每值忌辰涕泣終日捐置祭田以展孝思歷繼姑三氏色養不衰居家嚴肅篝燈課讀致男潮澤早年食餽掇甲科孫七世燦世棟均列鬢序

毛氏張諦照妻國學生張世教之母樂善好施捐社穀百石賑饑中丞楊以閩德可風邑令陳以婦德冠羣獎之

李氏庠生洪圖河妻歸洪時姑七十餘晝夜臥床第李衣不解帶佐夫調治姑泣曰是善事我圖河卒前妻艾氏遺孤三未幾長子次子病延歲月李調護備至卒相繼殞畢生盡瘁行路感傷

歐陽氏庠生蔡來裕妻廩生歐陽應亭女奉姑備極孝敬裕好施氏黽勉相助如修橋助喪全婚育嬰

必竭力周濟不足則脫簪珥繼之里中愈稱孝慈  
陳氏劉霍英妻性慈惠兄死安厝無穴命姪附葬於  
劉氏先塋他若捐租全枕施茶解渴凡英所樂爲  
者皆贊成之無吝色云

劉氏貢士蔡上問妻學博劉世堉長女適蔡艱嗣勸  
夫納妾連舉二子愛如親生撫育教習不惜勞瘁  
至老無倦迄今後嗣繁衍多列庠序族黨稱之

劉氏國學生陳治灼妻幼生名門無羅綺習及歸陳  
克嫻婦職躬親紡績晝夜不倦上奉舅姑凡箴紉  
肥脆佩悅蒞蘭之屬皆曲求所以順其心人稱孝  
婦里中有貧窘者氏嘗脫簪珥以贈卒之日耕氓  
婦子無不流涕盡哀爭躡蹠焉子兆埒中乙卯副  
榜兆舉等庠生

蕭氏劉麟寰妻世業日索族之無依者常倚焉或得  
女將溺氏父蕭瑞林來告氏嘆曰狠毒之行何忍  
聞哉吾代若乳可耳其行善類如此

陳氏陳五葵女夫劉兆毅早乏氏養翁姑多方謀甘  
旨以奉之辛苦歷年家計稍裕延師課子飲饌必  
豐餐饑人無德色人稱孝義

陳氏州同劉洪珠妻幼聰慧過人佐夫子於艱難從

容指陳無不曲中奉兩世翁姑俱得歡心訓子傳  
相兄弟皆有聲譽性仁慈識大體嘗篤於內外姻  
戚下逮臧獲無不體恤備至子傳松妻孝子陳五  
玉之女亦孝謹有姑風黽勉終身訓四子俱通籍  
論者推爲女宗

單氏庠生蔡虞生妻夫從父承徐官於石門學署氏  
奉姑於家勤紡績備甘旨生子一慮單傳爲次另  
置側室復舉一子愛如己出邑令張表其門

劉氏禮部儒士蔡來書妻性孝家貧躬織衽以奉高  
堂服勞無倦姑病氏仰天泣禱願以身代遂痊

劉氏蔡肖禹妻孝義淑慎均本性成舅沒事姑倍謹  
姑病祈神欲以躬代遂瘳相夫以禮教子以勤歲  
歉出粟貸鄉鄰捐通租全佃枕善行尤著

蔡氏明經蔡來徵女儒士劉應洙妻善事翁姑和妯  
娒無忤婦道生子樹榴優廩生樹馨邑文學俱有  
聲藝苑皆母儀端嚴所致卒之日族黨交稱之

羅氏臬椽劉士樞妻貢生劉文侃母孝事翁姑姑陳  
氏慮單傳撫陳姪方二歲姑暴卒以撫姪託之氏  
承夫志教育婚配產業均分陳姪蕩費卒仍收其  
妻子婚嫁給產以成其家繼姑蕭氏無嗣養前夫

子王某及蕭氏與王某相繼逝復婚配其子營產以體繼姑之念氏親生父母固生養沒葬卽胞弟亦婚配其子量給以產

張氏國學胡紹禹妻夫沒孝養翁姑及沒殯葬盡禮出紡績之積三置祭田一奉祖先一奉翁姑一奉其夫婚教二子家妻家露皆成立年屆三十而寡清操二十五年邑令塗以冰霜恢操匾額嘉之

劉氏艾寅次妻寅次係獨子未三十氏爲納妾遂生子親族以緩急告輒如所求一夕巨寇至夫懼甚氏大言曰爾等求金耳俟吾啟門呼婢徐啟而潛與其夫携妾及子從小牕出潛伏別所寇環宅大索弗獲遂去

譚氏增生張之蘭妻翁士翔病篤值之蘭應湖北鄉試氏晝夜扶持病以漸痊迨翁卒夫繼逝氏奉姑二十餘載喪葬如禮課孤嚴常曰吾不能爲荻畫幸聰聽師友明訓庶不墜祖父世業耳子皆成立譚氏考授禮部儒士賀士升妻夫歿建分祠置祭田歲饑三界賑粥發穀暑施茶湯雪施棉炭凡要地橋梁津渡不惜重費捐修

陳氏歸劉世瑞奉翁暨兩姑孝謹夫亡號慟幾絕久



之強起立孤督課甚至蔬食奉佛垂三十餘年至  
撫羣季之孤恤異母之弟力庇兩姓尤婦人所難  
洪氏張承鳳妻嶺東道洪雲蒸孫女幼嫻文史有詩  
成帙識古今大義四世同居闔以內肅然氏之教  
也子孫代有賢達

周氏生員焦鴻昇妻事舅姑飲食勞逸靡不關臆其  
父母乏嗣以身盡子職里族有急調卹恐後

譚氏郡庠生譚兆發女年十八適諸生陳其方方讀  
書達旦必謹飭以俟得甘脆未奉舅姑不敢嘗甲  
子方登賢書氏曰妾舉男皆不育無以慰高堂君

幸達卽速納姬氏習勞病且革強起支家事謂一  
息尙存婦職宜盡力止之弗聽卒年三十四

王氏鄒紹湘妻姑病革醫謬謂客曰得麟肉啖之立  
愈矣氏誤聽麟爲人遂割股以進稍愈復進獲痊  
家人終莫知也頃之夫命操作訝其弱強致力裳  
遽赤訊之得其實姑感泣喧傳族黨上其事於邑  
令塗賜金褒之

向氏沈彩文妻夫早卒辛苦備嘗訓二子兆曙兆駿  
有方鄉里賢之

劉氏陳兆星妻劉慧珠仲女母胡氏出也母無子勸



夫多娶廣嗣氏適陳少而有子亦蓄妾蕃祚以娛姑其母以夫貴例膺封乃讓封於亡姑氏事姑益謹姑存怡順以承歡姑危哀毀以偕亡雖其天性純粹亦嫻於母儀者素矣子其昌待諸弟友于益篤宗族稱其孝友

劉氏譚宏演妻性靜慈動循閭範事翁姑以孝聞夫性喜賓客氏每先意治具傾奩以助訓子悉成名有陶母劉薦之風

易氏譚世位妻奉翁姑與繼姑均以孝著治家嚴整有法與家人同甘苦其焚券全枕施棺尤多義舉劉氏儒士易仲儒妻錫禮之母故有林下之目氏曰未有婦德而早戾無儀之訓者乃益自修謹姑素有潔癖病脾氏親滌溷穢累旬月妯娌莫得知族有鬻獨子者償值歸之代營婚娶連舉二男後姑彌留其人携幼子來謝姑手牽氏衣曰此汝之德也其人揮涕去

劉氏胡展成妻劉琪珠女繼姑王氏生四子不育復生一子氏代乳之將亡女倩鄰婦鞠養後姑子長成而已女夭氏終無憾卒年三十一

李氏陳蘋妻湘潭處士李觀政女觀政子女各四業

必同課氏通書史年二十七于歸蘋遊學卒於四  
川氏苦節自誓閉戶力作歷十餘年門庭闐寂不  
聞人聲比鄰無不嘆服

胡氏國子監學錄夏節震妻閩範夙著尤好施與壽  
一百二歲邑令頽其堂曰百壽堂郡守頽其廬曰  
人瑞督學王有百壽之序以孫棟任四川大寧令

贈孺人

甯氏劉其檇妻奉姑孝養無怠事夫相敬如賓內外  
無間言訓二子俱入膠庠

張氏譚昇霽妻奉翁姑孝謹姑陳遭疾氏調湯藥不  
假婢手三年如一日賑族里貧乏尤恐或後中憲  
大夫蔡學灝以額獎之課子訓孫均成名

譚氏庠生蔡奇生妻性嚴正言咲不苟隨夫之父任  
及翁姑卒宦橐蕭然氏助夫扶櫬歸里勤儉持家  
子登仕籍就養官署猶樂親葦筐孫曾繁衍科第  
蟬聯年九十五無疾而卒

楊氏陳梧妾歸甫三年梧卒嫡子方四歲撫育教訓  
蓬首三十餘年子終身事之如其母

龍氏貢生劉兆鵬妻嘗佐姑李奉祖姑范執勞不倦  
及姑年老卧床不起值火至鵬適應試家中僮僕

皆避氏冒火負姑出得無恙人以爲至孝所感  
向氏曹振遠妻夫卒終身哀泣翁海林年八十餘孝  
養維謹好施予賑恤饑寒歲以爲常

陳氏庠生賀志颺妻年十九歸賀事姑至孝艱於嗣  
爲夫置側室朱舉子三夫歿朱旋故氏延師督課  
特而兼怙年七十八卒屬纊時以篤行勵學無墜  
先業屬子鏊鏊鑾等鏊爲邑令張所深器學使吳  
嘉其文行列拔萃科孫榮淳庠生

何氏庠生王世顯妻事姑孝謹自奉儉約族黨有貧  
窘者恆周卹之夫歿課子學易克有成立不墜家  
聲年近九十孫曾羅列

周氏監生胡家雯妻事姑張孝夫沒課子義業列成  
均每承姑志出紡績所餘增置墳田祭租周卹貧  
乏毫無吝色孫曾繁衍年八十八卒

節烈

明

李氏吳卽從妻明季寇亂所過擄掠氏被執渠帥露  
刃逼之堅拒不從厲聲大罵賊怒斷其兩足負歸  
三日死

周氏胡純妻純怙恃早失攜氏之武昌爲藩掾甲申  
獻賊破武昌執氏欲辱之堅不從罵賊割舌死純  
感之不再娶

董氏劉自燿妻避亂林莽中爲兵所掠欲污之氏堅  
不從遂殺昆紳彭繼華爲立傳

皇清

朱氏陳六禮妻丙戌山寇竊發六禮率鄉兵禦之被執罵賊死氏聞夫死登樓自縊公舉請旌建坊  
易氏譚宗錫妻順治初黃弁蹂躪村落氏侍姑病或勸其潛避依姑不去未幾見掠氏恐驚姑乃攜子隨賊行至團山池側乘間躍入池中賊怒並投其子母子俱死

劉氏庠生譚宗爵妻順治丁亥宗爵遊學外出氏偕二女家居賊猝至倉皇匿女賊入執氏以行至蓮花江潭縱身躍入死

洪氏監生劉瑞妻年二十六夫故矢志守貞忽聞舅姑欲令改適投縶自盡乾隆戊戌題旌建坊

王氏監生陳輝瓚繼妻四川溫江縣王畝女瓚質溫江娶氏甫八月卒父母欲奪其志氏赴縣呈明以夫遺金分半養父母扶夫櫬回攸營葬先一夕對冢婦曰嫂等善視姑吾不能助養也旋入室自縊死與夫合葬邑紳陳圭輓以詩見藝文

洪氏劉輝五妻夫故誓守姑欲令其改醮氏不肯失節投縶而殞乾隆己亥題旌

劉氏監生李永裕妻年十七于歸祖姑年邁服養辛

勤夫無子勸納妾夫旋遘疾卒殯殮方畢入戶自縊年甫三十邑令表以義烈流芳之額

周氏董文鳳妻夫遊蕩不事生產氏紡績以奉翁姑及翁姑歿夫益肆逼氏改嫁陰與媒有成約綵輿將至遂自刎死年二十二邑令張驗詳候旌

賀氏劉光禮妻氏年及笄父秀發贅禮於家伉儷殊篤兩載夫嬰疾劉家以醫來病益劇劉督禮歸氏欲偕往父不許禮卒遺腹生女父蓄他謀給氏歸守志陰許馬姓婢泄其謀氏取斷腸草擣汁吞之父覺急和藥逼氏飲氏堅不從怒批其頰竟以死拒父無如何閉置一室毒發腸寸寸斷席皆碎裂父恚甚薄殮曷葬亂山中邑紳作詩以哀其死湘潭孝廉張九鉞爲作傳贊見藝文

譚氏陳先登妻登幼習儒既娶以家計窘力農賈以針黹佐之登以勞勩致疾生一子不育及病亟謂氏曰吾將不起爾其善事舅姑否則自爲計可耳氏飲泣佯諾之登卒殯殮畢朝夕哭奠比葬負土成墳詰旦撫几長慟徐入媼幃自縊時年二十有一邑文學廖夢鯤爲立傳



烈女

皇清

段氏小字觀秀段葵飛女未笄父卒初病癘禿既而  
蛻盡髮出且黧衡山無賴周大成以拳勇高攸窺  
而艷之誘劉鳴岡爲媒強委禽僞造庚帖訟諸公  
庭氏貧弱不能直當官發輿母兄抱而哭之哀氏  
謬爲從容態夜宿草市旅店樓扼吭而死官爲具  
殮遠近悲之

貞女

明

劉新貞晚貞因父碧翹暨母年邁姊妹矢志不嫁以  
養親及歿喪葬如子禮里有港病涉者衆二女出  
紡績所餘成梁以便行旅人呼新貞橋

皇清

李夢秀李登元

府志作先

女幼字陳鳴喈未嫁喈死李誓

不再字依孀母爲生母卒殯葬如子禮以處女終  
湯蓮秀父禮自幼訓以女史母江氏善病女矢志  
躬奉藥餌而親歿哀毀骨立足不踰閨紡績自給

族黨悼之

羅轉姑羅祖秉女許字陳某未嫁夫逝矢志守貞孝  
養父母年六十八卒羅太史廷彥爲立傳見藝文  
文芳連儒士文德攸女許字易闇未嫁夫歿矢志守  
貞不再字供佛長齋奉養父母及親歿喪葬盡禮  
撫育幼弟六十六歲卒

李工秀李世準女自幼矢志不嫁竭力女紅以養父  
母及歿喪葬如禮撫育諸弟成立捐租入祠年六  
十四卒

榮含翠榮大瀆女許字王元英年十四未嫁夫亾誓  
弗再字父母俱老兄姊早逝紡績供菽水撫弟開  
昇成立年七十四無疾而卒

劉氏劉山如女許字易會時未嫁夫故矢志全貞以  
處女終邑令田獎以全節至孝之額

續增攸縣志卷四十

權知攸縣事溧陽潘礪襄纂修

新增節孝

彭氏陳宏儀妻年二十九歲夫歿栢舟自矢紡績勤勞事姑孝敬訓子及孫壽八十守節五十餘年人無間言子先聲職員孫超羣庠生

陳氏職員李耀景妻年二十六夫歿守節自誓樽節辛勤增置產業道光辛卯題旌建坊撫孤廷佐入成均次廷劬亦成立

王氏貢生易宗燾妻年二十九夫歿矢志栢操教督

孤子巖慈交至且勤苦持家好善不倦修橋施棺  
鄉里欽服子昌言入成均守節二十一年現年五  
十歲

左氏儒士尹時鼎妻生員左澤霖次女年二十八夫  
歿撫嫡堂姪思達成子以承宗祧矢志守節孝事  
舅姑撫育思達成立婚配已生二子道光庚寅舉  
報列總坊氏今現年六十四曾孫已五齡矣

文氏儒士歐陽澤貽妻年十八于歸勸夫肄業氏專  
姑至孝生子二二十七歲夫歿守節家貧勤紡績  
以爲生延師課子拮据婚配族黨咸矜恤之現年  
五十二歲

譚氏龔廷燎妻年二十二夫歿守節三十五年道光  
辛卯題 旌入總坊

留氏劉世珩妻年二十四夫歿守節二十三年道光  
辛卯題 旌入總坊

鄧氏生員陳寬繼妻年二十九夫歿矢志栢舟艱苦  
脩嘗賢聲藉藉課孤自湘入泮守節四十餘年道  
光庚寅題 旌建坊

何氏監生陳祥妻年二十八夫歿矢志全貞勤紡績  
以供舅姑甘旨晝夜督課後嗣成立男自修自作

八國學孫星乙入邑庠守節五十餘年邑侯楊贈  
以節壽松筠之額道光庚寅題 旌建坊媳賀氏  
亦青年守志

賀氏監生陳自修妻二十九夫歿氏念姑何氏亦係  
青年守節遂矢志全貞兩代清風遐邇傳誦教督  
孤子星乙入泮苦節三十餘年六十一歲卒

向氏職員陳猷煊妻年二十九夫歿家無餘貲氏勤  
紡績恰守夫志撫孤傳綿成立教習婚配以母道  
而兼父道迄今三十年如一日現年六十一

丁氏譚昌梅妻年二十二夫歿冰霜自礪躬操作勤  
紡績撫二子成立守節三十六年已列總坊

易氏劉自柔妻年二十夫歿無嗣撫兄子克灼承祀  
三載復殤又撫姪孫昌芹婚教成立得生三子苦  
節三十二年現年五十二歲

吳氏譚士冕妻年二十夫歿矢志栢舟事姑盡孝撫  
孤家政婚教成立授從九職員守節三十三年現  
年五十三歲

李氏國學生劉文懋妻甫笄于歸婦道克勤年二十  
九夫故矢志霜帟撫雙孤均數齡延教讀間自行  
督課紡聲與書聲相間長子繡俊授從九職次子



光衡入泮守節四十四年現年七十三歲神明不衰孫曾繞膝家道益隆人以爲苦節之報道光辛卯列入總坊

李氏鄒丕承妻年二十六遽矢所天氏號痛幾絕欲以身殉繼念子方數齡無人養育宗祧所係勉起撫孤躬勤紡績織膏搏節增置田產以爲衣食貲悉心教誨幸得成立計守節二十五年現年五十一歲

陳氏李祖茂妻氏十七于歸年十九夫歿翁姑先逝大翁年老在堂家計不豐氏孝養無稍懈撫孤作楫朝夕課讀入邑庠現年六十

洪氏生員洪開泮女年十七適譚昌家三載夫亡遺腹僅生一女矢志守節孝事舅姑存歿盡禮撫夫弟昌寅子承祧出就外傅督課綦嚴捐租三十石爲本分義學考費克承祖母劉氏節義遺範現年五十歲邑紳呈報申詳題旌建坊

郭氏庠生歐陽理純妻夫病侍湯藥目不交睫者幾三月夫卒號痛欲以身殉因念姑符氏亦係青年守節載入志乘今年老病篤無人奉養何以承夫志遂勉起孝事十餘載喪葬盡禮計作未亡人二十

六年現年五十四歲子學孔學會俱業儒有文名  
鄒氏譚上貴妻年二十四夫歿遺孤甫週矢志撫育  
翁姑年邁竭誠奉事始終如一壽登古希子朝紡  
列成均孫一篤學能文守節四十二年道光庚寅  
列入總坊

劉氏譚上濱妻年十九喪夫遺孤甫六月誓志不二  
事堂上翁姑與孀嫂鄒氏同盡孝敬守節三十七  
年道光庚寅列入總坊年五十六卒子朝繡列國  
學孫俱業儒

龍氏榮賁三妻年二十七夫故矢志不一家貧紡績  
不倦事繼姑以孝聞訓二孤以義方鄉里咸稱其  
賢守節三十二年道光辛卯列入總坊子廷恩監  
生

丁氏儒士賀盛輔妻丁性安女年二十二夫歿栢舟  
自矢閨範肅穆遐邇咸欽守節四十三年現年六  
十五子孫俱孝謹可風

劉氏羅述旌妻年二十三生子元燦甫一月夫即逝  
撫養成立舅姑年臻耄耋作羹侍藥奉敬維謹和  
妯娌課孫會里黨稱賢守貞四十餘年以壽終彙

題 旌表

劉氏監生文舒經妻經有文譽著有錦囊詩集年二十四身故氏時年二十六矢志栢舟奉事孀姑孝養無違撫孤世煥訓以義方婚配成名復延師課孫且週恤族黨感恩者多年五十一疾亟命子刊夫遺稿卒後劉祖向輓詩云生前不負居孀苦沒後咸稱守節難

周氏大學生湯烈祖之妻烈早故氏年二十六歲矢志栢舟祭盡禮帶養遺孤名有宰延師課學殷勤不倦鄉里稱爲有歐母遺風年七十九歿

余氏拔貢余世本長孫女幼配拔貢賀德崇長子榮浚於歸七載年二十七夫故矢志撫孤隨侍翁姑於辰溪學署孝養無違姑歿率子姪扶櫬旋里祭盡禮課子益嚴遺孤昌柱得以成立名列成均氏天性嚴重禮法森然計守節二十八年現年五十四歲

增附老志賢媛

劉氏國學生劉大熾女適國學生賀昌夫歿事翁與  
繼姑脩極孝養督課三子嚴慈交至凡就外傳及  
赴試必勗以循謹毋失祖父忠厚家聲勤儉持家  
性尤好善樂施馭僕婢以寬仁處莊佃無苛刻清  
操三十七年年七十將弛家政無疾而卒子大受  
庠生欽泰職員大用監生

鄒氏處士陳朝誥妻善事翁姑夫妻相敬如賓後姑  
逝遺叔數齡氏撫養成立勤勞脩至族黨有貧乏  
必曲意周恤每屆歲寒多購絮衣以衣路人

陳氏國學生劉自崑妻其翁貢生百高早逝氏事姑  
彭氏以孝聞夫歿氏年僅三十撫幼孤延師課讀  
均已成立每遇歲歉氏出積穀以賑鄉里貧乏償  
者不受息族黨咸恩慕焉

李氏職員丁啓衡妻幼嫻姆訓青年遽失所天哀毀  
欲以身殉因翁姑年老強起奉養撫孤成立早夜  
操作類農家婦節衣食所餘增置田產建造屋宇  
隆賓客周困乏事七無間言年六十三歲族黨咸  
欽慕之子三甲趙甲忠甲監生隆甲職員

文氏邑庠文承疇女適國學謝德觀氏溫惠淑慎有  
古賢媛風生子五督課嚴飭入成均者三晚子加  
錦尤倜儻不羣色養承順孝思肫摯其敬宗睦族  
常出多金以全姪孫枕爲能光大門戶人以爲氏  
積善之報云

賀氏生員賀泰綬女歸職員譚永莊貞靜溫和事翁  
姑以孝育子女以慈夫性樂賓客至欽饌必豐祭  
祀蘋蘩必潔賢聲藉七族黨咸稱女宗子昌昇文

庠孫曾俱業儒

周氏劉高桂妻年三十一歲失夫子五長十餘齡幼尚在襁褓內外撐持艱苦異常且舅姑在堂年老多病服勞奉養得其歡心歿則喪葬盡禮然格於年例未得舉報節孝至今人咸哀之

王氏處士劉漢藻妻監生家駒母性貞靜喜勤儉孝事翁姑教子訓孫延賓待師賢聲丕著尤樂施捨族隣中困苦者多沐其惠修礮路諸功果無不勸夫飲助雖格外需索亦莫不周恤年近七旬沒子孫蕃盛皆氏遺澤也

附刻賢媛

洪氏觀察紫雲公裔孫女適孝廉歐陽夢龍子柄望生子三齡夭柄亦卒氏年纔十九父母與翁勸其改醮氏矢志不貳之死靡他遂歸母家堅守翁三娶止生一女或有欲奪其志者氏慟哭幾絕設夫主於閨中朝夕泣奠治翁四娶又生子始全節奉主歸撫堂姪宗懷爲嗣

蔡氏國學生龍起湘側室及笄而嫁生三子年二十六夫沒適室胡氏先故適子自騰亦幼氏矢志守節上事繼姑陳氏極其孝敬撫育諸孤恩義一體



嚴而兼父明以擇師且嫁女娶媳拮据劬勞獨行  
調理勤紡績甘淡薄車聲與書聲相應每至夜分  
閨門清肅族黨俱無間言

劉氏歐陽聲鎮妻年二十九夫沒遺孤大源甫六齡  
矢志守節爲源娶婦周氏僅生一女源年二十二  
亦逝呼天號泣血淚駢枯偕孀媳共守孤幃冰操  
益礪孝事高堂及繼姑壽終亟撫嫡堂姪大洪爲  
喪主以承夫祧清風亮節少與比倫

彭氏附貢生歐陽逢錦仲子澤咸妻大學生彭元性  
之女年二十四夫沒矢志柏舟事翁姑克盡孝養  
撫姪紀祖承祧延師課讀勤儉銖積增置產業遇  
貧窘恒加周恤今紀祖已教習成立矣

廖氏文學陳其潔妻年二十七夫卒無子氏哀慟欲  
以身殉翁姑曉以大義令撫兄子大相大樞鞠義  
以繼夫後勉承其意矢志不移閉戶紡績操若冰霜  
以上五名俱年四十餘雖於例稍有未符而苦節可  
嘉暫記事跡附列女之末以待後來請 旌建坊

陳氏邑文學張善增妻年甫笄歸張其時翁進士臨  
城縣令仿西公已逝事姑最孝相夫成名課子訓  
孫俱隆師重道以致蜚聲藝苑者接踵而起且性  
喜周恤貧乏者樂爲推解真不愧仇湛遺風

張氏進士張光華晚女幼承庭訓深嫻婦道長適國  
學陳九叙爲妻每恨未識姑面時逢生忌辰必潔  
蘋蘩盡有齋之敬胞姪幼失怙恃帶入歸爨親爲  
補綻有姪孫夫婦反目携婦至家飲食教誨數載  
兩人悔悟好合如初凡夫與子有義舉力爲懲慰  
以成其事至於恤困濟貧出自本性毫無矜飾族

黨咸奉爲女宗年七十六卒

鄒氏諱職鄒振域長女配職員陳斌賦性仁慈相夫柔順每遇族隣爭端嘗勸夫出金開解且能周恤貧寒夫有兩兄皆早逝無嗣氏止育二子欲以一子承長兄後而次兄獨缺勢難兩全遂勸夫納妾韓氏生二子析產以繼兩兄之後賢聲益著壽屆古稀卒及葬族黨祭送者無不流涕

道光庚寅奉

旨各府縣建節孝總坊其從前入志者已列名坊上其新

上坊者未入於志中茲特彙齊各姓名附於卷末

夏氏黃三儀妻

朱氏張氏婦

陳氏庠生譚章綬妻

賀氏楊治登妻

譚氏丁啟進妻

歐陽氏洪圖湛妻

劉氏皮殿嵩妻

羅氏監生歐陽逢哲妻

陳氏王道興妻

余氏陳宏謨妻

劉氏劉世珩妻

彭氏王道鵬妻

賀氏羅章衡妻

馮氏洪如深妻

尹氏洪開銓妻

洪氏庠生陳之斌妻

劉氏鄒介圭妻

李氏監生劉文煌妻

賀氏劉昌煥妻

譚氏龔廷燎妻

廖氏監生劉昌觀妻

陳氏劉世揚妻

蘓氏王之椿妻

劉氏監生劉自新繼妻

劉氏雷鳴謙妻

譚氏劉昌錫妻

董氏劉文錫妻

彭氏曾經綸妻

譚氏文舒禧妻

劉氏謝鸞鵬妻

文氏傅懋學妻

譚氏雷盛銳妻

陳氏劉惟位妻

謝氏劉昌鏞妻

張氏監生劉昌言妾

彭氏譚海妻

龍氏蘓大華妻

王氏蘓揚端妻

張氏陳廷班妻

張氏劉漢書妻

陳氏劉志願妻

廖氏謝氏婦

丁氏陳燾文妻

吳氏黃守華妻

左氏尹時鼎妻

賀氏詹天祚妻

譚氏陳發祥妻

尹氏譚進恩妻

尹氏譚進惠妻

張氏陳綸妻

劉氏陳先朝妻

左氏皮殿瑚妻

劉氏皮殿錫妻

陳氏職員洪基妻

何氏陳祥妻

陳氏張善孚妻

洪氏庠生文自新妻

劉氏陳德佩妻

張氏洪文栢妻

易氏洪文樑妻

劉氏周德璋妻

王氏文積善繼妻

黃氏楊正潮妻

鄆氏譚俊選妻

譚氏蔡上籌妻

陳氏蔡來諮妻

譚氏張士翔子媳

張氏文自鏡妻

劉氏吳定邦子媳

譚氏余世松妻

李氏陳焯猷妻

張氏劉竣功子媳

何氏黃盛裕妻

張氏顧時用妻

賀氏劉光裕妻

劉氏龍象雲妻

陳氏蔡貽訓妻

羅氏陳宏昂妻

譚氏夏誦妻

周氏歐陽芳暉妻

胡氏監生劉枝高妻

賀氏皮一堅妻

洪氏庠生劉學鴻繼妻

皮氏劉文鏡妻

胡氏增生譚章錦繼妻

丁氏譚昌梅妻

龍氏榮賁三妻

陳氏李祖茂妻

譚氏夏之翰妻

譚氏監生劉焜妻

歐陽氏劉永開妻

余氏劉家序妻

文氏劉世盤妻

朱氏監生文自輅妻

譚氏王錫麒妻

楊氏朱華鴻妻

劉氏譚上濱妻

鄒氏譚上貢妻

李氏監生丁德楷妻

歐陽氏蔡之春妻

陳氏職員李耀景妻

劉氏曾希賢妻

洪氏監生陳榮妻

劉氏譚祖華妻

孝女 李氏名鳳秀李光晉女

烈女 段氏名觀秀段葵飛女

烈婦 秋蟬羅繼兒妻

孝婦 歐陽氏增生張之蘭妻

攸縣志卷四十一

知縣事

建水趙勤纂修  
仁和萬在衡

隱逸

易占素履其行无咎詩詠考槃其人則碩蒼言抱璞

泊爾含華卷跡塵氛志慕尚已方今

聖代育德興賢品列圭璋材儲杞梓固已彈冠共慶連茹

用遺而或癖性烟霞淡情組綬修身自保悔吝弗生

揆諸易詩亦無謬焉志隱逸

元

東允恭字彥敬體貌魁梧寡言笑工韻語與同邑馮



子振雲陽劉畊孫清江周自強相友善丁元季隱居  
邑東學家有清景亭背山臨水吟咏其中其寄從兄  
叅政從龍詩云或仕或懷各有志古人原不負初心  
可想見其素尚

明

龍時熙字以昭叅政誥之父清高絕俗後子雖貴盛  
而淡素不改湛甘泉王陽明兩大儒皆高其行陽明  
有贈龍隱君詩見湖南通志

江玉全字完之性公恕鄉鄰有爭咸就而求直歲饑  
貧民肆掠悉諭以理遂斂跡時大疫不分親疎躬調  
湯藥有子應昂童時卽以古人可師法者訓之及舉  
於鄉戒之曰蒞官不敬非孝也昂官至郡守能聲茂  
著

洪倫字序範性剛直不樂仕進由貢授御史棄官歸  
隱孝友純篤四世合巹有古義門之風見湖廣通志  
易則經字展綸翰林檢討舒誥之孫性恬淡耻干謁  
結廬山中皓首窮經松塢雲峽往往留題邑侯泰和  
蕭公贈以額曰潛德可風

譚守元字懷壯邑諸生杜門績學隆慶壬申邑侯上  
元王公養性重修邑乘詳而核越三歲邑侯上虞徐

公希明厭簡帙繁重多所刪竄志內奏疏奏議皆屏去守元獨收原刻珍藏之後曾孫兆發屆續修縣志呈諸當事共幸文獻可徵云

劉正昌字蓮塘工詩文兼精醫學及形家言父鼎官四川達州知州隨至署旋奉父命歸家日披覽經史喜種花木後父自達州解組常侍杖履柳徑花陰自謂無限樂趣不須外求

陳惟長邑諸生嘗謂名場局促安能自適其適遂棄諸生放情詩酒佳句流傳人爭誦之

陳仲號靜軒先業頗裕悉分與兄弟田取其礎僕取其蹇優游物外不求聞達督學四明張邦奇題其墓曰逸士

曹天球字文我號補奄國學生父衢山南監擢鄉薦成進士知廣西太平府卒於官球扶櫬歸里時闖賊猖獗屢轉艱辛寔葬安仁上渡球怏怏不自適遂戢影田園以著述爲事介菴井碑文可畧見一斑云

陳五簋字逸子崇正丁丑臘賊犯攸城父孝廉開之死焉簋痛父賫志幾不有生徒步走袁州造年家友錄其死節事藉以聲聞後徧遊吳越與某宗伯具官詹爲文字交意不在是也當其幽憤悲歌紙墨嗚嗚

有不自知其音之哀者晚入佛率於西泠

洪琦臣字瑀楨庠生雲蒸第四子博覽羣書尤精於易隱居著述詩文甚富

皇清

陳崑號廬卽增生吳逆據楚南僞將禮聘不就尋隨征南將軍以招降功補桂陽州同知湖南平以本籍歸里結廬東郊顏曰退谷別號拂雲放叟著有木石音衡岳吟詩集

張樉字君吉隱白石村坐斗室中丹黃典籍時或掩卷長嘯順治間邑侯文安王公聘王玉蘭書院同辭又舉鄉飲大賓不就或強之曰烟霞之人不能復冒榮名也

陳治卓字方茂營別墅菰名花每良朋過從綠陰壺觴莫辨主賓或曰君才取青紫拾芥耳胡自封卓笑而不答著有笑舫齋集

劉世玲字臨川幼能文工真草書性嗜靜嗜潔嗜子史號三癯居士一試不售輒棄舉子業種花放吟所著有韻府集註字學纂要佛經釋義詞壇琳瑯遊覽紀畧諸書

員士英字俊侯授經歷負性剛直言笑不苟晚隱居

山齋晉接必循禮法卽密邇桑梓恭敬如一人目爲古君子

陳大榮號林魁家世忠厚力學攻深爲文刊落鉛華試列前茅未售卽絕意名場隱居授徒恪循先民矩矱而不欲以文名於時課子浩食餼孫枝亦畚

洪如仙號飄菴少倜儻徧覽經史爲文有奇氣屢試不遇託志高隱築室紫雲峰名曰飄菴嘗習靜不語日誦周易數過遇事若有先幾終身無寒暑厄年九十沐浴衣冠召子孫環立索筆書讀書作人四字卽飄然逝人以爲如仙真仙矣陳春江太史爲立傳子

四詠維誓藻均有賢聲維藻邑諸生孫吉登賢書

陳金岐字小嵩善琴喜奕暇日靜處書室焚香誦南華經客至撫絃動操使人意消逸興未闌則楸枰繼之晚歲精研素問郡邑推爲國工所著有銅人圖說年八十卒子升濬升湛升溥俱邑諸生

攸縣志卷四十二

知縣事 建水趙勳  
仁和萬在衡纂修

流寓

風之過簫也偶然感之各以清濁應名人足跡所至  
或宦遊或講學或懷才羈棲或探奇留滯如爪雪泥  
原無定向而流風餘韻雖歷數百年猶足令好古者  
低徊不置也豈偶然哉攸邑山水清淑耆儒碩彥抱  
槩懷鉛而至斯者陟紫麟白鶴之峰攬天蓬海棠之  
勝知不吟動莊鳥而賦感仲宣矣志流寓

明

鄒守益字東廓江西安福人嘉靖辛丑以南祭酒削籍癸卯夏來攸寓洪簡軒觀月樓徧遊金仙紫雲諸名勝題詠猶存一時從遊甚衆

湛若水字甘泉廣東增城人嘉靖乙巳來遊南嶽因憶婺源門人洪覺山垣之言泝湘而上入攸水寓漕溪與覺山宗人洪石崖半溪諸子講學甚歡

羅洪先字念菴江西吉水人嘉靖丙午至攸於時邑中知名士陳論劉銳洪人輩皆師事之

鄆見字無識豐城人父爲廉令少時於書無不讀性嗜酒日攜錢招飲不問貴賤崇正己卯試督學冠軍秋闈以詩經掄魁甲申後棄家披緇狂於安城梅城間已而隱攸東司空山煉藥不成去之雲陽山縱酒以終

熊廷弼江夏人少落拓歷洞庭上湘江旅於攸與茂才王三命周元相友善因授徒王宅歷十餘載所贈詩章王氏裔孫至今珍藏之  
費思居荆門舉人明季避亂寓攸買宅桃花巖閉戶著述有桃花巖文集

真清

李山齡字殿公陝西榆林人八世爲邊將山齡生長



金陵狀貌魁奇康熙中討平吳逆授平樂司馬親老乞休寓攸雙親卒葬攸城東輞菴左側其後山齡復縱遊四方由蘇州赴崇明道經常熟以疾卒子之約能文章之果有武略俱先卒姪之堂猿臂善射寓意六法邑人多藏弄之

王允厚字貞侯直隸文安人父國璋令攸遂家焉允厚爲耒陽令自解組後遨遊湖湘晚客長沙卒於攸有祖墳在東郊外陳氏花果園柘桑渡及對河五里許子八逢年有年皆僮不羣

翟菴不知何許人康熙初來攸寓陳五聚家歌泣無常叩其姓字不答久之聞武昌黃鶴樓成約陳往遊陳病不能偕遂去不知所終或云姓葉官工部侍郎潘國祚字燕邱江夏歲貢兄弟四人皆以詩名時稱潘氏四邱壯歲嘗客攸與陳訶菴輩爲莫逆交其詩秀韻天生飄飄有凌雲氣書法老勁人多珍藏之後年八十有四邑令陳復延自武昌卒老於攸

尙友字以朋號渙莊美丰神好談諧常稱淮海山人善書畫詩亦工緻出其片紙可易兼金客攸十載常以此惠人康熙間改建黃鶴樓大匠窘於編墨時友寓武昌爲之指畫亭樓錯落堂奧題綴皆足千古云

戴常曜字星彩號古愚又號古漁自稱懷廬居士天  
姿樸茂寓意圖畫兼工詩尺幅中題咏鱗萃人皆珍  
之及病草酌酒出所藏冊牘遍散交好曰爲我誌墓  
題曰白嶽詩人戴某墓葬對河彭家山

李觀正字端友別號雲壑先世居蘇州太湖洞庭山  
徙居湘潭敦履樸素讀書必求古人深處下逮名物  
象數務得確義乃已子女四人課皆同業客攸多載  
陳訥菴嘗贈以詩曰十載一冠六月裘於天無怨人  
奚尤浩然嘯歌天地中古人不作今罕儔差彷彿其  
梗概

賀持斗江西蓮花廳人萍鄉學博賀禧之孫善文詞  
遨遊湖湘年四十儻居攸東鄉潛泊事母孝謹甘旨  
無缺讀書於儒先經義有體會又善星學決斷如神  
所交悉知名士

攸縣志卷四十三

知縣事 建水趙勳纂修  
仁和萬在衡

仙釋

海水之宗也諸水皆東注而黑水西弱水南支分派  
別不能強同此變化之理自然之勢也佛老之學與  
聖賢殊漢唐以來各暢宗風其於吾儒之理雖不免  
背馳亦猶朝宗者不於東瀛折而西折而南也天地  
之大何所不有必欲塞其歧而一之迂矣攸多福地  
洞天靈異丕著或寄衣鉢於檣樹或昇雞犬於雲端  
廬而舉之亦方外美談也志仙釋

張岳字巴玉南齊清河人明帝時歷官司空東昏侯  
嗣位失政岳掛冠東門携家入攸紫麟山修煉梁天  
監二年闔家八十餘口飛昇後卽名其山曰司空唐  
天寶宋政和皆勅建道院封元素真人遣官祀之  
杉仙真人唐人姓陳名皎廣東潮陽世家初爲宏農  
太守後棄官來攸入靈谷山修煉鄉有旱澇禱之輒  
應唐僖宗時跨鶴冲舉今明月山有杉仙廟  
巖真人不知何時人相傳雲陽山有道士兄弟二人  
曰大巖小巖大名起小名肅皆善醫每登山採藥常  
有紫雲覆其上療諸病輒效宋元嘉三年飛昇今擢

### 秀鄉有巖仙觀

禱樹禪師唐廣德間跏趺宴坐寄衣鉢禱樹中七日  
喝開禱樹取衣鉢入人川山構慈雲寺以居

勇禪師唐人攸邑名山寺院開創甚多

長髭禪師姓曠唐時本邑人六祖三代孫

石室道者唐人嗣法長髭六祖四代孫

觀衡字顓愚喜露宿自稱傘居道人幼孤蹇不識字  
跣禮大士九年一夕夢破其頭沃以墨汁寤而通文  
墨工書以左腕得法愍國師予其號曰圓通譚宗元  
延自江南爲立刹署曰介菴

法乘字興化邑人少通文字精書法弱冠入五臺山參顓和尚住雨花菴門庭肅寂著詩一卷年三十卒傳學字六靜江西九江人叅天童老人有得先任南嶽飛來船後徙攸之樟坤晚移磴公山戒律精嚴六十餘年如一日雖通文字與人相對不一言及蓋慧從定生也

諾諾禪師朝宗法嗣說法慧宗林皈依者雲集楚林禪師閉關大士菴順治乙酉潰卒多從西郊取道追兵至聞禪師名莫敢侵犯十里居民賴以全活將軍迎之京師受諸供養

一足禪師說法於西郊地藏菴嗣法百丈澗和尚萬峰禪師重修保寧寺續長髭禪師石竇道者勇禪師三祖燈燄重開法席東鄉道場爲梅城第一祖輝禪師開建慈峰山立有塋院法嗣問山雨波大闡宗風

洞菴禪師本邑人去鄉井數十年參悟有得在錫江南九華山邑有往朝地藏菩薩者相邀謁之臨行謂曰便送一帆風後果驗

願乾禪師一號又乾本邑人精進行門嗣梅谷和尚法栖隱山谷浚寂自如著金剛大義語錄

斯彌禪師號西生本邑人專心持楞嚴經戒律精嚴  
通宗教嗣顓愚和尚說法江南紫竹林著諸經補註  
行世

毓旨講師常遊各菴講解諸經有詩集孫野木嗣破  
山第四世法

德達禪師字清遠披剃證果寺遍參諸方後嗣漕洞  
正宗不韻禪師嫡傳有語錄行世

釋溥良字去六合巖其號也吉之禾川人家於攸幼  
工書能屬文及長以詩見知於祁陽王王奇其才欲  
以湯休賈島故事勸之不可謁顓大師於五臺菴久  
之辭歸由是知名後三載顓大師至攸合巖與釋興  
化師事焉甲申後遂謝賓客閉戶不出八十五卒著  
合巖詩集

釋德岱字道掌幼披剃證果寺卽厭僧徒修禳事日  
與諸同人以詩酒自豪有憐其饑寒遞給供奉者悉  
卻之當事數顧其廬一謝遂不往年未四十卒著亥  
子記稿等集

普繪字墨隱出家朝川遨遊名寺得法於西江天培  
禪師永新張邑侯迎主大悲閣其封君故太守也年  
九十三亦受學於繪著朝川集



朱玉環號自怡自幼修煉海棠洞獻花巖修眉長髯  
目光如炬禱雨驅邪必驗時有朱真人之目當事賜  
額甚多如自鍊長生藥怡含不老丹邑侯慈谿馮公  
所贈聯句也年六十一夜忽見空中架虹橋有綵輿  
隊仗來迎俄然仙逝

僧明素任靜慧菴明習經律禮懺不輟兼精素問之  
旨業醫者多宗之

僧實修任海都黃龍寺西寮又曾任寶寧寺清靜不  
二通華嚴楞嚴諸經嘗手抄各經成帙兼工韻語  
晚歲建梵堂與文士酬唱

道正贊任海都清陽觀於符錄有解悟能遇旱禱雨  
其徒孫法光茹素誦經恪守其教

補遺

董啓幽字元徽邑之龍翔里人元泰定間遊衡岳遇  
異人授以修煉之方遂能禱雨驅邪後尸解去家

人爲塑其像凡蝗害稼及有疾者禱之輒應至今  
靈異甚著

汝縣志卷四十四

知縣事 建水趙勤纂修  
仁和萬在衡

方技

古者執技事上不貳事不移官明有方也然而輪扁  
之斲輪也由基之穿楊也文摯之背日見心方朔之  
別著布卦也一若本乎天授而不以心稽者莊叟不  
云乎用志不分乃凝於神其是之謂乎志方技

皇清

唐天木字瓊石工書放達自適喜讀離騷尤精京房  
內外傳巧發奇中扣其門者車馬輻輳

朱國維無所指授而精通於醫有童子久病朱視之與之飲且投以雞臠出一丸小而赤曰詰旦伺頭巔一髮赤如朱拔之卽無恙矣卒如其言證果寺有傭工噉食如虎朱忽命僧速去之逾五日死有鄰女病篤或誤爲傷寒朱曰此痘証耳公等弗能辨投劑良是一日遇其徒於衢注視之曰爾婦今日將失跌徒奔至家則婦已下樓傷足矣晚不復醫頗嗜酒所經過處請者環伺口授以方無不立效

劉原字漪洲幼孤先世業圃原慨然曰人當精一藝以成身後名耳饑寒之焉恤博觀畫苑遂標絕技或勸遊謁公卿以廣聲譽曰與數君子一觴一咏而吾願慰矣何用偃僂供富貴頤指爲年四十七卒譚子璽精於琴縱遊四方講求古今琴操無不貫通或問之曰高山流水古人超乎象外於子之志奚若曰自得此中佳趣亦不自知其志之所之也

陳五近精於奕與長沙陳子良齊名幼時夢至一所有两老人對奕見五近至一老者曰子知奕乎試與吾對纔着左角數子曰吾授子以布局攻守之法旨是無敵矣醒而與周輩奕莫敢對制軍周公以禮延致官署授其子終日不妄出一言周心重之厚贈遺

歸所授門徒百餘人勅者爲唐一善一日與陳浚軒奕有一左角子數十兩相攻擊唐於角左下一子浚軒方取子應五近從旁私掣陳肘浚軒遂停子收局後浚軒羸七枰因詢前掣肘意五近將前局一一布之曰君初時將下某着唐必如此應君必敗後思之久得此一着君據勝局矣時在座者胡謙齋王鹿盤等相顧愕然

劉燮號理亭幼習制藝不蹈時徑屢見抑遂改業岐黃嘆曰此可以活人矣邑有遠安和尙曾遇浙醫得外科秘要燮從之遊數載盡得其所學一切外症望而知其死活遠近神之晚於李丹溪張仲景諸論說集其要旨又精通內科有延醫者不索謝貧且贈以藥餌於史鑑尤熟亦高尚人也

攸縣志卷四十七

陵墓

攸以谿名湘川奧壤峩嶺排冪容口渟洄是故白馬  
墳前不無第登丑歲神龜山下或者相出坤鄉羌松  
蔭與柏森亦蘿垂而藤蔓甲族碑銘可誦鼎門姓字  
猶馨彙而缺焉即坵墟動人駭矚也志陵墓

宋

博士彭天益墓在縣東大坪

御史陳勃墓在縣北馬頭嶺

知縣事 建水趙 勳纂修  
仁和萬在衡

元

集賢待制馮子振墓在縣西馮家村

治中廖正軒墓在縣東 進士陳毓墓在五里牌

參政陳從龍墓在縣南斑竹舖

明

布政彭友信墓在縣東大坪

御史陳順成墓在縣東司空山

按察劉子祿墓在縣東沙上

御史賀守真墓在塘坑長嶺

布政何楚英墓在縣東何家隴 據何姓譜載在善化縣新開舖

兵部侍郎王偉墓在長沙縣澇塘江秀峰山

按察洪性墓在縣東漕泊

即中文宜墓在縣東普安橋花地前

參政陳廷璉墓在縣東埭前

戶部侍郎譚昇墓在縣北

翰林檢討易舒誥墓在縣南流塘

參政龍誥墓在縣南丫尖

御史皮東山墓在縣東水頭

兵馬司指揮劉垣墓在城都石燕坑

進士顏守忠墓 進士顏瓊墓



副使顏嘉會墓俱在長沙縣嶽麓馬鞍山

叅政龍光墓在寧鄉岐山

太僕寺卿蔡承植墓在縣南了尖仙松角塘

解元羅星墓在縣東羅家坪

御史蔡思穆墓在縣南柑子塘杜家坑

大理寺卿劉宏化墓在長沙縣飛來橋

孝子贈雲南布政文有章墓在縣東昭村

進士劉葵墓在縣東梯望坑

按察洪雲蒸墓在縣東網江

布政文士昂墓在縣東柑子山

御史洪倫墓在縣南初塘

總兵王景熙墓在縣北

皇清

沙河知縣劉友光墓在縣東鸞山

進士鄧永芳墓在縣東慕塘

義士議叙知縣陳之駿墓在縣東來恭坪

淮揚道蔡祖模墓在縣南大白坑

義士洪際盛墓在縣南初塘

中書蔡祖斑墓在縣南甯節坑

進士王純鎔墓在縣東南水

進士羅國珠墓在縣東黃土嶺

孝子激浦教諭劉慧珠墓在縣北壩下

進士文承運墓在縣東朱家坑

翰林檢討陳夢元墓在東郊外

進士張光華墓在縣東上八都

進士余潮墓在縣北塘陂灣

忠義陳六禮妻朱氏歿在縣東下陂坤

節婦陳上簡妻劉氏墓在縣東杜口

節婦文稟妻賀氏墓在縣東耶村

列婦陳輝瓚妻王氏墓在縣東杜口

烈婦劉光禮妻賀氏墓在縣東鸞山

節婦州同譚際舉妻劉氏墓在縣北麻城

節婦中書蔡儼妻譚氏墓在縣西郊外泉水嶺

義塚有四一在養濟院側一在大士坪一在觀仁

嶺一在來龍菴後



